

I KUYABAALA KWA BWEENDE BWA INYIKA



Nda lumba maningi, Mukwesu Neville.

Mwabuka kabotu, beenzuma. Nde elede ku pumbulika mu bulo cifumo cino mu ciindi caku pumbulika alubo, aboobo Nda kali katede aniini. Nse boola...mu kubaanga nkusika kutalangilwi. Mukwesu Shakarian, Basimakwebo ba Makanimabotu Azwide, mweendelezi wa mulimo oyu, wakali... Mukaintu wakwe wakali cisidwe, elyo aboobo...elyo waa katolwa ku cibbadela.

2 A kubweza busena bwa muntu mbuli oyo uli mulimo mupati ncobeni, a kubweza muswaangano mupati jilo.

3 Elyo Mukwesu Arganbright wakasika ambali, nkabela twa kaunka kutala. Elyo, ee, Nda kabuka aa foo okuloko, jilo cifumo, nkabela twa katalika kuyaku Cincinnati. Elyo twa li kuunka buzuba boonse. Elyo Nda njila, mukati buyo. Twa njila kutandila ku bucedo, cifumo cino. Elyo aboobo ly a kavuumma, a kwaanga jwi, pele tuli waano ku luzyalo lwa Leza.

4 Nda libuzya ikuti na Mukwesu Arganbright waka cikonzya. Sa nkoli, Mukwesu Arganbright? We elede kacili kabotu mu maboko aa Morpheus. Tamu muysi oyo Morpheus kuti wakalini; wakali kaleza ka buhedeni ka Roma, kaleza ka koona.

5 Aboobo nyoonse amundi kkazikile moyo aniini a kameneno kangu kaanga cifumo cino, nkabela Nse soli kumujata kwa ciindi cilamfu.

6 Bukanze bwangu bwakuba a kuswaangana cifumo cino nkaambo ka...kutali bantu. Munsondo mutobelwa Nda kali kuyoopa mulumbe wang—wangu wa Krisimasi, pele, ikuti na Nda—Nda kacita, mpawo niwa takleta bantu abo bata kkali mu dolopo, ndiza musyobo wa kunyonganya Krisimasi yabo, nywebo mulizi, ya kujoka. Elyo aboobo Nda yeeya kuti ambwemi inga caba cibotu kapati ikuti na twa bungana antoomwe a kukomba Mwami cifumo cino, mu ciyanza eci, ku cibeela cangu ca kuswaangana kwa Krisimasi. Elyo mpawo Munsondo mutobelwa inga waba kuli yako...Ikuti na wapona kulaale, inga waba ku mbungano yako ini kufumbwa nkozwa, na kufumbwa mboyanda kucita.

7 Elyo Ndi yanda kulumba mukwesu ku lwiimbo olo lubotu. Nda kazwaa kunjila mbuli mbo lwali kwimbwa. Eco ncibotu loko. Elyo ciindi coonse Nda kamvwa mukaintu wangu a boonse babo kaba dundaizya kujatikizya kwimba mukwesu,

elyo Nda kajisi ciindi cangu citaanzi caku mumvwa kwiimba, lwangu, kuzwa ku cikombelo. Lino, sa eco tacili cintucimwi? Mukwesu wesi okuno ku cikombelo, alimwi wakacita kuunka kulaale ku Shreveport, Louisiana, ku mumvwa kaimba lwiimbo lwakwe lutaanzi. Obo zintu mbo zili zyeenzu, embo na?

⁸ Elyo mpawo twa kayeeya ndiza kuti kucita ceeci, inga catupa ciindi muli kwesu...ca-ca kuboola antoomwe. Elyo mpawo alubo migwagwa yakali mucimo cibyaabi loko. Nda libuzya ikuti na Mukwesu a Mucizi Dauch beeleda ku cikonzya kuzwa ku Ohio. Sena bakaselemuka? Uli kuli, Mukwesu Dauch? Iiyi, iiyi. Ndali kulibuzya buyo. Sena mu jisi caanda cinji kutala kuya? Caanda cinji. Aboobo, ee, tiiba kajisi cili coonse mu Cincinnati. Takukwe akwalo kunji kuli waano. Ta cili caanda pee nokuba. Elyo ciindi citaanzi Ne kasola kukambauka mu Cincinnati lyakali jilo, elyo aboobo twa kajisi buzuba bulemu, mutabi mupya utanaba a mwaka wakukomena, alimwi mubotu loko, bantu bamwi babotu. Twa kalu botelwa luswaanano. Mpawo bandiita ndyoonya lino kuba ku Columbus juunza, ku mutabi umbi wa kutuula, alimwi, na mulimo, kuti Mukwesu Shakarian weelede kubweza, pele... alimwi Nde elede ku kombela ceeco lutaanzi. Cili ii...

⁹ Nde elede kuunka ku Phoenix kwamana buyo oyu, nywebo mulizi, alimwi tu jisi... Tu talika mu Phoenix mu twelufu, yooba kalimbabula ka basimakwebo. Elyo Ta ndizi buyo awo mpo kambilidwe. Ndi yeeya kuti ku Ramada, kuyo citilwa ku i-ku Ramada. I mutabi wa basimakwebo ujisi kalimbabula kabo kalyoonse okuya. Elyo mpawo Munsondo Nda talika, a Munsondo, kutandila mazuba ali kkumi aabili kuzunguluka moonse mu Maricopa Valley, Phoenix, Tucson. Elyo Ndi jisi cipobwe masiku mu Muvulo, masiku atobela mu Muvulo, ku Tucson, ii-ii cipobwe ku bakutausi a Bantu Basimakwebo ba Makanimabotu Azwide ku Tucson. Elyo aboobo mpawo kujoka ku Phoenix, alimwi Ndi yeeya kuti ku Glendale a masena aindene. Elyo mpawo muswaangano wabaiminizi utalika mu twenty-... Muuni kwalo, Mukwesu Fred? Sena mula yeeya buyo... Twenty foo, twenty foo kwiinda mu twenty eiti na twenty-naini, amwi ambali awo. Elyo mpawo, Mwami nawayanda, kujokela ku muunzi. Tuyo bona obo mbo twa zwidilila awa, kubona kujatikizya Zinamatizyo zili Ciloba na i... kuzwa ciindi eco kuyabuya, a kubona oko nko tuunka kuzwa awo.

¹⁰ Lino, Nda syoma muntu umwi wa ndaambila kuti twa jisi bavwanda baniini kuno cifumo cino beeleda kutuulwa. Sa mbo mbubo? Sa mutumbu ujisi muvwanda waku tuulwa? Cintucimwi Doc nca ndaambila. Ee, ambweni Nda lubizya. Oh, iiyi. Inzya. Iiyi, munene, ezi. Yaa, mwalombwa nobacizi na bakwesu kuleta bana banu baniini? Ndaku lumba, mucizi. Yeeya kuti eci nciindi ceelela kuleta bana, ca Krisimasi. Mukwesu Neville, sa inga

wacita? Lino, mbuli bayandwa aba mbo baleta bana babo cifumo cino, cili—cili buyo . . .

¹¹ Lino, bantu banji, mu mambungano manji, alimwi—alimwi ikuti na umwi wanu wakali ku muswaangano wabaiminizi jilo, obo Mukwesu Brown, Muna Episcopalia wakazwide Muuya Uusalala, wakali lekelela ku basyomi ba Pentekoste, ku kubapatizya bavwanda, aboobo, katana kwaamba eco nca keelede kucita. Aboobo muna Episcopalia ula bapatizya, a kusansaila, eco nco baita kuti kubbizya.

Kubbizya, kuli ndime, caamba “kunyikizya, kuya kunsi, mu kuzikwa.”

¹² Elyo, pele bunji bwabo bacita eco. Oyo wakaindi . . . Eco nciimo ciboola ncobeni cizwa ku mbungano ya Katolika, alimwi waka komezegwa kwiinda mu Methodisti a muna Episcopalia, Lutherani abunji bwabo bakacita ceeco. Iba Methodisti bala cicita. Oko kwakali kupambukana akati ka Nazareni a mbungano ya Methodisti, nkambo ka lubbizyo lwa bavwanda. I Nazareni ndi bbala ndyoonya lya Methodisti, cita ku lubbizyo lwa bavwanda, elyo aboobo mpawo ya kapambuka ku bukanze obo.

¹³ I Mbungano ya Kristo ni Mbungano ya Bunakristo, zintuzyonse kunze lya nyimbo mu mbungano. Elyo aboobo, oh, twaambo oto tuniini ntoba pambukila a kumwaya bunyina a zintu! Toonse tuli bomwe muli Kristo Jesu, ku . . . To konzyi kusangana mbungano. Ula—wul sangana cisangabalilo, pele tokonzyi kusangana mbungano, mwabona, nkaambo weelede kuzyalwa mu mbungano. Kwalo nkuzyalwa kwa kumuuya. Elyo bamwi bandeene bali jisi mizeezo yabo alimwi, tu zwidilila buyo ambabo, eco cili kabotu.

¹⁴ Pele kuli—kuli swebo okuno ku cikombelo, tu yanda kukkala mbubonya buyo nzila Bbaibbele mbo lyaamba kucicita. Buyo cintu . . . Elyo kwiina Lugwalo mu Bbaibbele lwa kubapatizya muvwanda. Kwiina Lugwalo mu Bbaibbele lwa kusansaila. Elyo aboobo Lugwalo luzutu luliko mu Bbaibbele olo Jesu ndwa kaamba kuti, Wa kali Mukozyanyo wesu, elyo cindi nibaka Mu leta bana Wa kabikka maanza Aakwe ali mbabo a kubalongezya, a kuti, “Amu baleke bana baniini baboole kuli Ndime, nkabeli muta bakasyi pe, nkambo bali boobo mbe Bwami bwaku Julu.” Lino, eyo nje nzila mbo tusola kuzumanana.

¹⁵ Lino, tu lizi, mbuli mweembeli alimwi Nda bikka maanza aa bavwanda aba, maanza eesu nziiminizyo zitali kabotu ku Mwami wesu, nkaambo Aakwe akali kusalala. Pele ikuti na Wa kalingula moonse mu nyika cifumo cino kuti ajane janza lisalala, nkokuli nko konzya ku lijana? Kwiina cintu cili boobo, mwabona, mu nyika. Pele ku luzyalo Lwakwe tula Mwi iminina. Elyo bana awa abo mbo tuyu tuula, tuyu bikka maanza esu ali mbabo a kupa mupailo a kupa kulumba nkambo eco Nca

kabapa ku bantu, alimwi akube kuti bakabe kusyuma kuniini mu ng'anda yako kukugwasya kumwesya kazila mbuli mbo mweenda. Akube kuti bakomezegwe mu lulayo lwa Leza. Elyo akube kuti aba bana baniini lino babe babelesi balemu, ikuti na kuli bwe juunza, mu Bwami bwa Leza, ngo mupailo wesu wakusinizya. Neibotu. Akube kuti Mwami alongezye.

¹⁶ Atu bone, Nda syoma tula talikila awa, a mulombwana oyu, muniini wamasusu asiya kumutwe undi langide maningi. Kubaanga buyo kwa... Oh, ma! Mukaintu wangu weelede kuba kokuno kujatilila umwi oyu muniini. Lyoonse kuyoowa kuti Ndila mucisa, nywebo mwabona. Ma, ino mulombwana muniini mubotu! Wapona buti? Ino neiindi ceelela, cindi, "Mu cilido cabanyama, kwa kajanwa Muvwanda," ciindi ca Krisimasi, ku kutuulwa kwa bavwanda kujoka kuli Leza. Nguni zina lyakwe? Samueli Thomas. Lino, eelyo ndi zina bbotu loko.

Atu kotamike mitwe yesu.

¹⁷ Taata wesu Wakujulu, mbuli banabukwetene aba baniini bakkomene cifumo cino basika a kasena aka kaniini ka lutangalo kuti Wa kayungizya ku lukamantano Iwabo, Samuel Thomas muniini, Taata Leza, twa komba kuti Ulongezye mwana oyu. Elyo mbuli mbo tu munyamuna mu Busyu Bwako cifumo cino, Mwami, nkambo maanza Aako aasalala atabonwi alongezya mwana oyu. Akube booboo, Mwami, kuti mwana aka pone. Elyo ikuti na kunooli bwe juunza, akube kuti akabe mubelesi mupati wa Bwami bwa Leza. Longezya bazyali bakwe. Elyo lino, Taata, twa kupa kuli Nduwe Samuel Thomas muniini, mu Zina lya Jesu Kristo, ku bumi butuulidwe ku Bwami bwa Leza. Ameni.

¹⁸ Leza aku longezye a mulumi, alimwi akube kuti mube akukkomana. Elyo akube kuti ku kabeela kaniini kamweka mu bumi bwamu, moonse mu lweendo Iwanu. Leza amu longezye.

¹⁹ Lino, sa oyu ngo umwi muniini? [I banyina baamba, "Iiyi," mpawo muvwanda upanga coongo—Mul.] Lino, Nse konzyi kumvwisya mwaambo oyo. Ndi lizi cintu. Ndi lizi eco—eco ncoba cita, pele Nse cimvwisyi.

²⁰ Cindi Ne kali mu Germany kutali ciindi cilamfu cainda, Nse kakonzya kukanana bbala lyomwe. Nda kati, "Pele cintu, kujatikizya ndinywe nobantu bana German okuno," Nda kati, "Nse mvwisyi." Nda kati, "Oonse...Ndali kuselemuka kagwagua, elyo mutumbu wa bwezede muvwanda, nkabela wakali kulila mu Chikuwa."

²¹ Ee, Ndi syoma kuti weelede kucita cintucimwi. Ndiyo mu nyonganya nyoonse, cindi twaa ku joka kuli Meda. Ba kanyonganya buyo mu cintu eci, nywebo mulizi, baka syanikizigwa. [I banyina baamba, "Alicia Kay."—Mul.] Alicia Kay. [Umwii wati, "Carlyle."] Carlyle. Alicia Kay Carlyle, eelyo ndi zina bbotu. Ndila liyanda. Sa inga wamuleta mucizi muniini

okuno? Humu! Oh, sa Nda bikka janza lyako omuya, ayebo, mucizi?

²² Ee, nywebo mulizi, cindi Israyeli niya kaleta cituuzyo cayo (eco Nce kakambauka jilo) ku cipaililo, mwabona, bakali kunga babikka maanza abo aali ncico, nkaambo bakalizibya beni ku cituuzyo cabo.

²³ Maanza aka aa muvwanda wako, kula kuzibya a muvwanda mpawo. Sa mbo mbubo? Alimwi twa bikka maanza esu ali nguwe, kulizibya lwesu mu mupailo kuli Leza, kuli oyu muniini Alicia Kay. Obo na? Carlyle.

²⁴ Taata wesu Wakujulu, twa tambika kuli Nduwe, mulindu oyu muniini, Leza, aka kabeela ka lutangalo lwa kapegwa ku mukwasyi oyu. Longezya musimbi oyu muniini, Mwami, eci cintu ciniini cibotu eco Nce jatilide awa mu maboko angu cifumo cino, mbuli mutumbu mbwa leta muvwanda oyu. Wa mupa kuli nguwe, alimwi lino uli mukumupa kuli Nduwe. Ci tondezya lusyomo a kuyanda kwakwe, Mwami, kuti mwana wakwe uyo komezegwa mu lulayo lwa Leza. Ko mulongezya, Mwami, alimwi akube kuti akapone buumi bulamfu bwa kukkomana, a kuba mulanda mupati kuli Nduwe mu juunza, ikuti na kuli bwe juunza. Koleleka muunzi nkawazwa. Ko cipa, Mwami. Lino, twapa kuli Nduwe musimbi oyu muniini mubotu mu kutuulwa, mu Zina lya Jesu Kristo. Ameni.

²⁵ Lino, sa eco tacili cintu ciniini cibotu. Nywebo mulizi, muvwanda wa mutumbu oonse mubotu loko aa nyika. Mbo mbubo, embo na? Leza aku longezye, ocintu ciniini cibotu loko. Kandi langilila, koonse mbuli boobo. Lino Ndi jisi janza *lyangu kalinyonedwe*.

²⁶ Lino, wapona buti? Ee, ino musimbi muniini mubotu oyu mbwabede, awalo. Nguni zina lyakwe? [I banyina baamba, "Letha Ann Farmer."—Mul.] Letha, Letha Ann. ["Letha."] Letha Ann Farmer. Ma, ino musimbi muniini mubotu! Sa inga waboola okuno, kuba a ndime? Mwabona? Eco ncibotu. Lino, oyo musimbi muniini mubotu, awalo. Uli mukuboneka kabotu, awalo. Ula yanda kuunka ku mbungano, Letha? Lino, inga Nda yeeyela, balombwana baniini mbuli aba Mwami wesu mba kabweza mu maanza Aakwe. Aba bacizi? ["Iiyi."] Nywebo mulizi, Ndi liimvwi awa lino, obo Mbwe limvwa boobo. Sa mwabona eco Nce pandulula? Ino lukwatano na ino nkutuulwa mbo kubede? Mu liimvwi mu kazila ka Leza. Oh, ma! Kula ndi kankamye.

Atu kotamike mitwe yesu.

²⁷ O Leza, twa boola cifumo cini antomwe a oyu Letha muniini. Elyo twa komba, Taata Wakujulu, kuti Uyo longezya Letha a zyoonse nzya cita mu buumi. Akube kuti akapone buumi, bulamfu bwa lukkomano. Longezya bazyali bakwe. Akube kuti a komezegwe mu ng'anda, Mwami, ku kuyandaaku lemeka Leza. Elyo Nda komba kuti na kuli bwe juunza, ku yooba,

akabe mubelesi mu Bwami bwa Leza. Ko tantamuna malwazi a zintu kuzwa kuli nguwe mbuli mbwe enda. Elyo komu bamba kuba cilongezyo cipati mu Bwami Bwako. Elyo twapa kuli Nduwe musimbi oyu muniini mu kutuula, mu Zina lya Jesu Kristo. Ameni.

Muwanda muboto singuzu!

²⁸ Oh, Nda bayanda bana baniini. Pele Ndili buyo... Nda yoowa lyoonse kuti ndaba cisa, nywebo mulizi. Balo mbantu buyo baniini maningi. Elyo nekubaboobo, mukaintu waka ndaambila, kati, "Baa, inga bababayumu loko kupwaya kwiinda—kwiinda—kwiinda Mbwe konzya." Aboobo, inzya, mbo mbubo. Bala fwamba, nywebo mulizi.

²⁹ Elyo lino, sa kuli umwi ucisidwe oyo wakali kuyanda kukombelwa, buyo ii—ii kaambo kasalesale ka mupailo na cintucimwi, ango tukonzya kupeda kuli nduwe? Yaa, mucizi, ikuti na inga waboola mpoonya awa a kwiimikila. Yaa. Uh-huh. Eco ii... Tu yanda kujana zintu ezi, aboobo ikuti na twa jatwa aniini mu mulumbe wesu wa Krisimasi, eco cilaba kabotu. Ncibotu, munene.

³⁰ Lino, atu kotamike mitwe yesu lino. Mukwesu Neville, sa inga weenda kumbele a ndime?

³¹ Taata wesu Wakujulu, akulinda oku kwa Krisimasi, oko kujatilwa kupati kwa zibi zyesu a malwazi akazyalwa mu inyika, kuba Cituuzyo cesu. Twa leta mucizi wesu, mu Zina lya Jesu Kristo, kuti, kubikka maanza esu ali nguwe, kucita mbubonya eco Nco kaamba kucita. "Amu bikke maanza aa balwazi nkabela bayo pona." Eci twa cita mu Zina lya Jesu Kristo, ku kuponesegwa kwakwe. Ameni.

(Koita Mukwesu Cauble...?...)

³² Oh, sa mbo mbubo? Wapona buti, mucizi? Lino, lino, atu kotamike mitwe yesu alubo.

³³ Taata wesu Wakujulu, mbuli mbo twiima awa mu Busyu bwa Singuzuyonse, kukumbela mucizi wesu waka jisi kucitikila kubi. Alimwi kwakali cintucimwi cakacitwa cakofwaazya elyo liso. Pele Yebo, Mwami, mbuli Mbo kaamba kuli Musa, "Nguni upanga liso lya muntu?" Elyo kuli Omwe biyo ukonzya kugwasya, nkabela oyo ngu Jehova mupati, Mulengi.

³⁴ Aboobo twa komba, Taata Wakujulu, mbuli mbo tusyoma eci mu myoyo yesu, alimwi twa muleta kuli Nduwe. A lusyomo lwesu, twa—twa boola ku lusyomo, atala ku cipaililo cipati ca ngolide ica Leza, oko Cituuzyo cizwide malowa, Kristo, ciledé aa cipaililo. Elyo mu Bbuku lya Isaya, capita 53 a kampango ka 5, kati, "Wa kayaswa nkambo ka nsotoko zyesu, kacuzaulwa nkambo ka milandu yesu; ku komwa kwa luumuno lwesu aali Nguwe, a mibunda Yakwe twa kaponesegwa." Lino twa bikka lusyomo lwesu a nguwe, aa cipaililo Cako, a kulomba, mu Zina

lya Jesu, kuti boofu obu buyosiya mucizi wesu, a kuti uyo konzya kubona, ku lulemeko a bulemu bwa Leza. Mu Zina lya Jesu Kristo. Ameni.

Leza aku longezye, mucizi.

³⁵ Mukwesu Cauble. [Mukwesu Wallace Cauble wakanana ku Mukwesu Branham—Mul.] Oh, iiyi. Paris Reidhead. Iiyi. Iiyi, munene. Um-hum, um-hum. Kabotu.

³⁶ Lino tu kombela bunanike bwa mulimo wa Mukwesu wesu Cauble, kuunka a kuswaya mweenzuma wangu. Nda kabeleka a nguwe mu New York. Paris Reidhead, oyo waka boola ku ng'anda yangu kuzo tambula lubbizyo lwa Muuya Uusalala.

³⁷ Elyo sa takali cintucimwi cakucita mu Sudan Mission? [Mukwesu Cauble waamba, “Iiyi. Ngu sikulailila ulanga Africa. Ukkala mu New York, mu cibeebla ca New York kuya, kubeleka mu mbungano eyi mpatti kuya, ku kugwasya.”—Mul.] Ncibotuloko. Mpawo uzwa mu Louisville. [“Iiyi.”] Oh, ma! Twa bijilwa kusweekelwa Mukwesu Cauble, uzwa ku Louisville. Longezegwe moyo wako, mukwesu. Ma!

³⁸ Nda kali kunga lyoonse ndayeeya Mukwesu Cauble. Oyu mukwesu muyandisi, musalali wa Leza, Nda yeeya kukwabana kwangu kutaanzi a nguwe. Wa kali kuzwa malowa calufu. Nda—Nda kalizi zina lyakwe pati akati ka bakwesu. Nda kaunka okuya. Kwakali bakwesu bakaimvvi mu cibbadela. Mebo, mulombwana muniiini mbuli ndime, Nda kausa nsomi kunjila, aboobo Nda kafugama kunze lya Coca Cola, cintu mu hoolo ya cibbadelaaku mukombela nkabela wakajoka.

³⁹ I fooni yakalila alubo, kati, “To kabi kubusena kuyo bona Mukwesu Cauble.”

⁴⁰ Elyo Nda kaunka okuya. Ba kapandula cintucimwi mu mpemo yakwe, a kutenda, kakutauka cintucimwi, nkabela wakali kuzwa malowa calufu. Kafugama alya nkabela kaba a mupailo. Wa kaimikila mpoonya awo.

⁴¹ Taata wesu Wakujulu, walo mulanda Wako. Elyo lino uleenda kazwa akati kesu, pele nekubaboobo tuli swaangene, Mwami. Myoyo yesu lyoonse iyo duntaana, Nda komba, mbuli mbo ibede lino, umwi utobelakuli umbi. Nda Ku lomba, Taata, koleleka oyu, mukwesu wangu, mbuli mbwa unka kuya kugwasya mulanda Wako mupati, Mukwesu Paris Reidhead, mukuba akuyandisa loko mu lubbizyo lwa Muuya Uusalala. Kakutakwe kulanganya eco basimbaakani boonse nco baamba, walo ucyianda Leza, nekuba. Longezya Mukwesu Cauble, a kubalongezya antoomwe mu mulimo wabo nkambo ka Nduwe, Mwami, kusoleka kwabo. Akube kuti babeleke mu nkamu mbuli Paulo a Sila. Ko cipa, Mwami.

⁴² Komupa bunanike bwa Muuya Uusalala. Wa kasukamina, a kusoleka, a kusungilizya, a kutonta, kujana busena obo oko

Nko konzya kumuzuza ncobeni, Mwami, a kujula zintu zipati kuli nguwe. Elyo akube kuti eci cibe ciindi, Mwami, kuti Wa kamuyiisya a kukombela oora eli, Mwami, nkambo tuli ku ciindi caku mangolezya. Koyumya mubili wakwe, Mwami. Walo uyandikana nguzu. Akube kuti nguzu ezyo zyaka busya Jesu Kristo kuzwa ku bafu, zileta kuponesegwa ku mubili wakwe, nguzu zyakusandula, akube kuti ainke mu i bukozu bwa bubuke bwa Jesu Kristo. Twa mulongezya.

⁴³ Mwami aku longezye, Mukwesu Cauble! Ka juzye Mukwesu Paris mu busena bwangu, nkabela Njo langila ku mubona nyoonse kwamana. Ndiya ku masi alandukwa Iwizi, India. Leza aku longezye.

Wapona buti, mucizi? Nda lumba, mukwesu.

⁴⁴ Mwami Jesu, mbuli mbo tuleta mulindu oyu muniini, a maanza esu abikkidwe ali nguwe, kuli swaanganya lwesu kuli nguwe, mbuli ku cituuzyo, mukuziba kuti Wa kacisyomezya, Nda lombela kuponesegwa kwakwe mu Zina lya Jesu. Ameni.

⁴⁵ Kuli oyu mutumbu muniini wiimvwi awa kajisi ciwezo cidiimana a masusu aamvwi, kutondezya kuti ula penzegwa nkambo ka inyika iiciza. Leza, akube kuti nguzu zyaka busya Mwami wesu Jesu kuzwa ku cuumbwe, mbuli mbo tubikka maanza esu ali nguwe, kuli swaanganya a nguwe a Kristo, akube kuti nguzu zyaka Mu busya kuzwa ku cuumbwe ziponye mubili wakwe, mu Zina lya Jesu.

Leza aku leleke, mucizi wangu.

⁴⁶ Taata Wakujulu, mbuli mbo tu bikka maanza aa mucizi wesu, mbubonya, mu Zina lya Jesu Kristo, akube kuti aponesegwe ku bulemu bwa Leza. Ameni.

⁴⁷ Taata Siluzyalo, mu Zina lya Jesu Kristo, twa bikka maanza aa mucizi wesu. Mu Zina lya Jesu Kristo, akube kuti aponesegwe ku bulemu bwa Leza. Ameni.

Leza aku longezye, mucizi.

⁴⁸ Taata Wakujulu, twa bikka maanza esu aa mukwesu wesu awa, mu Zina lya Mwami Jesu Kristo, ku kuponesegwa kwakwe. Akube kuti aponesegwe mu Zina lya Jesu.

⁴⁹ Taata wesu Wakujulu, mbuli umwi wa bacizi besu uleenda kulaale, kuba mu muswaangano, pele uli imvwi cifumo cino lino, elyo tula liswaanganya tobeni, Mwami, mu Makanimabotu, mbuli maanza esu ali umwi aumwi alimwi ali nguwe. Akube kuti Leza wa Julu abone ceeci, awo mpo caamba kuti, "Ikuti na kuli kuzuminana kuli bobile na botatwe aa nyika." Mpaawa twaimikila, totatwe antoomwe, Mwami, mu Zina lya Jesu Kristo. Ko muponya, Mwami, mu Zina lya Jesu.

⁵⁰ Mu ciyanza cili boobo, Mwami, twa bikka maanza esu aa mucizi wesu awa. Elyo mbuli mbo tu zuminana, mu Zina lya Jesu Kristo, akube kuti aponesegwe.

⁵¹ Taata Wakujulu, wakati buumi bwakwe bubotu bwa Bunakristo...mukaintu ujisi kkulenge. O Leza, ula mwiiminina. Kristo ula mwiiminina.

Lino, dyabulosi, ko musiya, mu Zina lya Jesu Kristo.

⁵² Ko cisyoma, mukwesu. Eyi ni ntenda ya kuselemuka mpoonya awa. Yeeya buzuba obuno.

⁵³ Taata wesu Wakujulu, oyu mucizi wesu uboola kuli ndiswe, Mwami. Elyo mbuli buumi bwa mukozyanyo, ula pona, alimwi uboolela kuponesegwa kwakwe. Elyo swebo a myoyo yesu a maanza antoomwe a Nduwe, Mwami, twa lomba cilongezyo eci, mu Zina lya Jesu Kristo.

⁵⁴ Micizi wesu Risert, Mwami, uuli muzike Wako, waa boola ku ciindi eci ca Yule. Mu Zina lya Jesu, akube kuti aponesegwe. Ameni.

⁵⁵ Taata Wakujulu, twa leta mwanakazi oyu mwanakazi muniini mubotu cifumo cino, mu Zina lya Mwami Jesu. Twa bikka maanza esu ali nguwe a kulomba kuponesegwa kwakwe, mu Zina lya Jesu. Ameni.

⁵⁶ Taata wesu Wakujulu, twa boola a kubikka maanza aa mucizi wesu, mu Zina, eelyo Zina lisalala maningi, Jesu Kristo. Akube kuti aponesegwe ku bulemu bwa Leza.

⁵⁷ Taata wesu Wakujulu, mbuli mbo tuleta mucizi wesu kuli Nduwe sunu, ii—ii cilumbo ca luzyalo Lwako, obo Mbo kabede ku mwanakazi oyu. Myaka a myaka yakainda, a maoora masyoonto buyo aakupona, kuligwa ku kkulenge, alimwi waa kapona ku Bwami bwa Leza. Ko muponya sunu, Mwami, kuli coonse cilubide, mu Zina lya Jesu Kristo. Ameni.

Leza aku longezye.

⁵⁸ Taata wesu Wakujulu, mbuli mucizi wesu, akwalo cilumbo ca luzyalo lwa Leza, awalo. Bapengede, bakolwi azitiliba zya madragi mukolwi, elyo lino kwimvwi mwanakazi mubotu waponesegwa. Ino nkaambo ka kuponya, Mwami! Elyo mpawo moyo wakwe ulapy a nkambo ka bamwi abo bapengede, nkaambo ulizi kuti kuli Musilisi mupati. Waa aamba mazina otatwe aindene ndyoonya lino, Taata. Nda komba a kuli swaanganya a mukwesu wesu awa, mweembeli wesu, a—a nguwe, a Mwami Jesu. Elyo akube kuti, mu Zina Lyakwe lya bulemu, bantu aba botatwe baangululwe ku Bwami bwa Leza. Ameni.

Nda lumba, mukwesu.

⁵⁹ Taata Wabulemu, lino twa bikka maanza aa Mukwesu wesu Way. Walo ulomba zintu zyotatwe. Uli bazi, Mwami. Elyo tula syoma kuti kuli lembedwe, a kuziba kuti Lugwalo lwaamba kuti, “Zintu zyoonse.” Elyo aboobo twa komba, Taata Wakujulu, kuti eci, eco nca lomba, ciyo tondezegwa kuli nguwe, mu Zina lya Jesu Kristo. Ameni.

⁶⁰ Taata Wabulemu, twa bikka maanza aa mukwesu wesu, mu Zina lya Mwami Jesu, a kulomba kuponesegwa kwakwe, nkambo ka bulemu bwa Leza. Ko cipa, Taata, mu Zina lya Jesu. Ameni.

⁶¹ Taata Wakujulu, aa mucizi wesu, twa bikka maanza esu, nkambo ka Bwami bwa Leza, mu Zina lya Jesu Kristo, ku kuswiilila eco Nca kaamba kucita. Akube kuti aponesegwe mu Zina lya Jesu. Ameni.

Aku longezye, mucizi.

⁶² Taata Leza, mbubonya, aa mukwesu wesu, twa bikka maanza esu, mu Zina lya Jesu Kristo, kuti Ula mubamba kuba kabotu, nkambo ka Bwami bwa Leza. Ameni.

Leza aku longezye, mukwesu wangu.

Mucizi Arganbright.

⁶³ Taata Wakujulu, twa kombela Mucizi Arganbright, kuti Uyo muponya. Ko cipa, Mwami. Nkumbizyo yakwe, akube kuti wiipe kuli nguwe, Taata wesu Wakujulu, mu Zina lya Jesu Kristo. Ameni.

⁶⁴ Mwami Jesu, bikka maanza aa mukwesu wesu, mu Zina lya Jesu Kristo, akube kuti nkumbizyo yakwe ipegwe.

Ko cisyoma, mukwesu wangu.

⁶⁵ Taata Wakujulu, twa bikka maanza aa mulombe muniini, mu Zina lya Jesu Kristo, alimwi akube kuti, mbuli mbo twiima antoomwe cifumo cino, ku lusyomo, twa leta mwana oyu kuli Nduwe. Elyo akube kuti zilongezyo zya Leza, zya nguzu zyakuponya zya Kristo, ziyubululwe mu mubili wakwe muniini, mu Zina lya Jesu. Ameni.

⁶⁶ Taata Leza, aali oyu taata mubotu oyo wamuleta, akwalo twa lomba kuti Uyo tondezya nguzu Zyako zyakuponya, mu Zina lya Jesu.

Aku longezye, mukwesu wangu.

⁶⁷ Taata Wakujulu, mbuli Mucizi Peckinpaugh, mucizi wesu uulemekwa mu kubula, a obo Mbo kali siluzyalo kuli nguwe, Mwami. Nda komba kuti kuzumanana kwa zilongezyo Zyako zikunkila mu moyo wakwe. Elyo kuciswa a kuusa koonse nkwa kaindamo, akube kuti nguzu zya Kristo ziboozegwe kuli nguwe, Mwami, camwaanda, a kumubamba kuponesegwa cakumaninina, bayandwa bakwe, mu Zina lya Jesu. Ameni.

Aku longezye.

⁶⁸ Taata Wakujulu, twa bikka maanza aa mukwesu wesu a kulomba kuti nguzu zya Jesu Kristo zimubambe kuba kabotu, kwiinda mu Zina lya oyu Mwana wa Kristo oyo ngo tuli mu kusekelela kwa ciindi eci. Ameni.

⁶⁹ Leza Siluzyalo, mbuli mbo tu bikka maanza esu aa mucizi wesu, mubelesi Wako, mu Zina lya Jesu Kristo akube kuti aponesegwe ku bulemu Bwako.

⁷⁰ Mwami, twa bikka maanza aa mucizi wesu, mu Zina lya Jesu Kristo. Akube kuti aponesegwe. Ameni.

⁷¹ Taata Wakujulu, twa bikka maanza aa mucizi wesu awa, mu Zina lya Jesu Kristo. Akube kuti nguzu zya Leza zimubambe kuponesegwa. Ameni.

⁷² Mwami Jesu, kopa mucizi wesu nkumbizyo yakwe, mbuli mbo tu cilomba ku bulemu bwa Leza, mu Zina lya Jesu.

⁷³ Taata wesu Wakujulu, twa bona mucizi wesu muniini ucili andiswe, myaka eyi yoonse. Twa Ku lumba kuli ncico, Mwami. Twa komba kuti inga Wa mupa nkumbizyo yakwe, mu Zina lya Jesu.

Mwami Leza . . .

⁷⁴ Inzi? [I mucizi wakanana ku Mukwesu Branham—Mul.] Elyo Leza nkwalii koonse, kulanduka maziba mapati, abusena awa, koonse. Elyo ula syoma, nkabela Leza uyocita, cifumo cino, mu Norway, ko muponya? [I mucizi wakanana ku Mukwesu Branham.] Inzi? Mwana wako musimbi a bauso, nkabela uyanda kuti bapaililwe, lufutuko.

⁷⁵ Mwami, Wa bona mulindu muniini alimwi tu lizi kuti Uli izyi nkumbizyo zyakwe. Wali mvwa jwi lyakwe. Ino Uzi buti na uliimvwi awa? Kakuli, nokaba akalo kayuni ka siparo taaka konzyi kunjila kagwagwa Yebo kotazyi. Elyo mpawo Ndi lizi kuti Uli zyi nkumbizyo eyi, aboobo twa ita buyo ku zintu ezi, mu Zina lya Jesu Kristo. Akube kuti bapegwe kuli nguwe, kwiinda mu Zina lya Jesu Kristo.

⁷⁶ Taata Wakujulu, twa lomba kuti, ku mutumbu oyu mucembele uuya ku kupandulwa. Leza, gwasya. Elyo ikuti na kuli cintu cili coonse cimbi nco tukonzya kucita, Mwami, ko cikanana buyo kuli ndime na kuli umwi, ku buzuba obu, kuumbulizya mukwesu wesu. Ko cipa, Taata. Nda lomba mu Zina lya Jesu. Ameni.

⁷⁷ Mwami, twa bikka maanza aa mucizi wesu. Mu Zina lya Jesu Kristo, akube kuti Umu panye a kumubamba kuba kabotu. Ameni.

⁷⁸ [Ii mucizi waamba, “Mukwesu Branham, Ndi yanda kwiimikila. Ndi yanda kuti uboole . . . ? . . .” —Mul.]

Akube kuti Leza wa Julu amupe nkumbizyo yakwe. Mu Zina lya Jesu, Nda komba.

Leza aku longezye, mucizi. Uli Mucizi Margaret. Inzya. Yaa.

⁷⁹ Mwami Jesu, Nda kombela mucizi wesu—wesu, mulumi wakwe ula mwiiminina. Obo mbo bapengaana, aboobo Mbo kaliyubununa Omwini kuli mbabo a kulitondezya Omwini kuli mbabo, Leza! Ndili lumbide loko. Kopa, Mwami, kuti mukaintu wakwe aponesegwe, mucizi wesu muyandisi, mu Zina lya Jesu.

⁸⁰ Taata Wakujulu, nkumbizyo eyi mukwesu nja lomba, Uli zyi koonse kujatikizya ziimo ezi, Mwami. Nda kombela mulanda Wako. Leza, kopa, a ku kuponya kwa mibili eyo nja kanana. Lino, Mwa kamvwa nkumbizyo ezyo kabotu kwiinda Mbwe kacita. Aboobo Nda lomba buyo, a moyo wangu kujula, aa cipaililo Cako, a kubikka mupailo wangu a mukwesu wangu uli waano, mu Zina lya Jesu Kristo, kuti iyo ingulwa. Ameni.

⁸¹ Taata Wakujulu, twa bikka maanza aa mucizi wesu ku nkumbizyo yakwe. Akube kuti ipegwe kuli nguwe mu Zina lya Jesu Kristo. Ameni.

Leza aku longezye, mucizi.

⁸² Mwami, twa bikka maanza aa mucizi wesu, ku nkumbizyo yakwe. Mu Zina lya Jesu Kristo, akube kuti cipegwe.

⁸³ Taata Leza, aa mukwesu wesu awa, nkumbizyo yakwe, inga yapegwa kuli nguwe, Mwami. Wa sola ku Kubelekelo, myaka eyi yoonse. Kwiinda mu buyumuyumu, uci imvwi mpoonya awo. Leza, akube kuti ajate lwija lwa cipaililo cifumo cino, kaenzya munsende awa kumbali, “Eli nde oora cindi niciboola.” Ko cipa. Elyo akube kuti nkumbizyo eyi ipegwe ku mukaintu wakwe a muzukulu, mu Zina lya Jesu.

Leza aku longezye, Mukwesu Brewster. Ko cisyma.

⁸⁴ Taata wesu Wakujulu, oyu mutumbu muniini, oyo wiimvwi awa cifumo cino, wakali mbuli mutumbu ku banji. Lino ukombela bayandwa bakwe, Mwami. Walo ulombela ceeco, alimwi tuli...konzya toonse kuli swaanganya antoomwe, kubikka maanza esu ali nguwe, mbuli mugame, kuti tula syoma eci. Elyo a moyo yesu kumbele lya cipaililo Cako, twa lombela nkumbizyo eyi nja lomba, kuti ipegwe mu Zina lya Jesu. Ameni!

⁸⁵ Leza, Uli zyi bantu mba iminina, umwi aumwi uli mu moyo wakwe ku ciindi eci. Elyo twa libikka tobeni a nguwe, Mwami. Mu Zina lya Jesu Kristo, akube kuti nkumbizyo yakwe ipegwe. Ameni.

⁸⁶ O Leza, tuli muzyi Mucizi Hattie. Twa komba, Leza, mbuli mbo tubikka maanza esu ali nguwe, kopa kuti Muuya Uusalala uyooba a nguwe, a kuyubununa kujoka ku moyo wakwe. Tu yeeya balombe bakwe bayandisi, bobilo babo. Ndi yeeya kulkala omuya mu kaanda buzuba obo, mu muunzi, muniini mubombe. Wa kati, “Ko mwaambila kulomba eco nca yanda, mpawo koamba buyo Ijwi.” Waa kabuzya. Leza, Ndi lizi kuti Ula bamamela bantu aba. Aboobo Nda komba, mbuli Mbwe bikka maanza ali nguwe, mu Zina lya Jesu Kristo, akube kuti nkumbizyo yakwe ipegwe.

⁸⁷ Mwami Leza, mbuli mbo tubikka maanza aa mucizi wesu muniini, kweenzya kuselemuka migwagwa eyi iitezemuka a zintu, kusola kusika awa. Uli zyi koonse kujatikizya ncico. Nda mukombela, Mwami, mbuli Mbwe bikka maanza angu ali

nguwe. Mu Zina lya Jesu Kristo, akube kuti atambule eco nca lomba. Ameni.

⁸⁸ Taata wesu Wakujulu, mbuli mukwesu oyu muyandisi . . . obo mbwa kabikkidwe ciindi cimwi, Mwami, misanga ya tombwe yakaindi a zintu zyaka mwaangide. Wa kali kunga wajana kubuzanya komwe, alimwi wakali kunga wa lindila aku lindila. Elyo inga To kat waambilila cintu. Na kajana umwi umbi. Wa kali kulindila a kulindila, nkabela Toka twaambilila cintu. Elyo kumalekelo, cifumo cimwi, kakkede awo, nceeci casika. Ca kamana coonse mpawo. Twa Ku lumba, Mwami. Uli kasimpe. Majwi Aako taka kakilwi. Elyo Wa kati, "Abo balindila aa Mwami bayo kubulusya nsana zyabo." Lino, wa boola a nkumbizyo zyotatwe cifumo cino, Mwami. Elyo tula imikila mbuli botatwe, a cisyomezyo ca ii—ii mulimo wabutatu waka bambwa muli Leza omwe. Mu Zina lya Leza oyo omwe wakasimpe a muumi, Jesu Kristo, akube kuti nkumbizyo yakwe ipegwe kuli nguwe. Ameni.

Leza aku longezye, mukwesu.

Mwami . . .

Oh, ma! [Ii mucizi wakanana ku Mukwesu Branham—Mul.]

⁸⁹ Mwami, Ula mvwa nkumbizyo ezyo. Uli zyi nzila ya kwiivwiila, Mwami. Aboobo twa bikka buyo maanza aa Mucizi wesu Baker, mu Zina lya Jesu Kristo, twa pa nkumbizyo yesu antomwe ayakwe, ku kuponesegwa. Ameni.

Aku longezye, mucizi wangu.

⁹⁰ [Mukwesu Neville waamba, "Kuli muntu umbi unjila, ko njila lino."—Mul.]

⁹¹ Taata Wakujulu, mbuli Mbwe bikka maanza aa mukwesu oyu mubotu, kuboneka mbuli ciimo nciconya ca nseba mbotu sunu, pele ziindizimwi eco cileena. Aboobo Nda komba kuti Uyo pa nkumbizyo yakwe, kufumbwa cili mu moyo wakwe. Komupa eco nca kalomba, mu Zina lya Jesu. Ameni.

⁹² Taata Wakujulu, twa bikka maanza aa mucizi wesu a kulomba ceeco, mu Zina lya Mwami Jesu, kuti Uyo mupa nkumbizyo yakwe ya bulemu Bwako. Ameni.

⁹³ Mwami Jesu, twa bikka maanza aa mukwesu wesu a kulomba nkumbizyo yakwe. Tu zibya buyo eci, Mwami, mbuli mbo tubikka maanza ali nguwe. Twa liswaanganya tobeni, alimwi mu lukamantano olu twa komba mu Zina lya Jesu. Ameni.

Leza aku longezye, mukwesu wangu.

⁹⁴ Taata Leza, a mucizi wesu awalo, twa kacita mbubonya. Mu Zina lya Jesu Kristo, akube kuti atambule kulomba kwakwe.

Aku longezye, mucizi wangu.

⁹⁵ Leza, mbuli mukwesu wesu muyandisi mbwakali kukonzya kujraigwa buzuba bumwi, pele To kali libambilide kuli nguwe. Aboobo Nda komba, Leza, kuti Uyo mupa nkumbizyo yakwe, mu Zina lyá Jesu Kristo. Ameni.

Yebo ulizi nzila ya kusyoma ceeco.

⁹⁶ Taata wesu Wakujulu, mbuli mucizi wesu, muniini sikulibilika mbwa boola kunembo, mukuziba, Mwami, kuti akali manji mapenzi aakwe. Pele Wa kasyomezya kuti, “Manji mapenzi aa mululami, pele Leza uyo muvuna kuzwa kuli ngawo oonse.” Walo uyandikana kapati kuvunwa oku, Mwami. Twa bikka maanza ali nguwe aku tapatila bubi obu. Mwami, aa cipaililo Cako ca ngolide, akube kuti nguzu zya Leza zimu zule a kumubamba kuba kabotu....?

⁹⁷ Yaa. Nyoonse moyo kkala. Sena mwali kkede kusule okuya ciindi coonse? Inzya. Nse mubona. Oh, nywebo, abusena *awa*. Ta cigambyi. Oyu muntu wiitwa, ba mwiita kuti, “Miner.” Eelyo nde zina lyakwe. Pele eci nciindi cimwi oyo Miner ncali meya. [Mukwesu Miner Arganbright waamba, “Yawe nzi?”—Mul.] Kwaamba kufumbwa cintu, kufumbwa nco yanda.

⁹⁸ Mukwesu Miner Arganbright nguumwi wa i—i Bantu Basimakwebo ba Makanimabotu Azwide, umwi wa i... lugwasyo lwa kajana mulimo oyu mupati, kuti tu sola kubeleka antoomwe kuti tubambe bantu boonse kuziba, kakutakwe kulanganya bumembala bwabo a kabungwe, kuti toonse tuli babunyina muli Kristo.

⁹⁹ Wa kaamba cintucimwi ciniini, buzuba bumwi. Wa kalemba kuli Sikwaanza milao na cintucimwi kutala okuya. Cakali ciboteleyza ncobeni. Elyo Nda katí, “Ndi yanda kuti ucilembe. Yanda kuti useluke ku mbungano a kwaamba ceeci.”

Kati, “Nda caamba kale.”

Aboobo tuli cijisi awa aa teepu. Elyo Ndi yanda kugwisya ceeco kuzwa ku teepu, nywebo bakwesu. Mukwesu Jim, Ndi lizi ula ndimvwa omuya, mu kaanda. Ndi yanda ceeco. Ako kakali kabeela keni ka—ka mwiiminizi, kayungizigwa a ncico. Mwabona? Yaa.

¹⁰⁰ Kwaamba eco nco yanda, Mukwesu Arganbright. [Kabeela katakwe cintu aa teepu—Mul.] Ameni. Ameni.

¹⁰¹ [Mukwesu Arganbright waamba, “Andi kkale okuya. Eco cili kabotu, mpoonya awo.”—Mul.]

¹⁰² Obo mbocili bwini! Ameni. Obo mbocili bwini! Luumuno lulaboola a kuunka, a misaalo, nkabela lula zimaana buyo, pele lutangalo lula kkalilila.

¹⁰³ Ee, bwalo ii—bwalo ii—ii mbuzuba bubi aanze, buzuba buboto mukati. Elyo, nywebo mulizi, Nda kaswaana muntu, na muntu oyo waka ndaambila muswaangano mwaalumi calino,

elyo wa kati wakali kutongauka. "Oh," kati, "obu mbuzuba buyoosya." Wa kati yakali kuwa mvula a kuyabuya.

Wa kati, "Obu mbuzuba bubotuloko."

¹⁰⁴ Elyo mulombwana wakati, "Ee, mbobuti mbo mwiita obu buzuba bubotuloko?"

¹⁰⁵ Wa kati, "Ndiyo kwaambila. I dokotela waka ndaambila mwaka wainda kuti Nda kajisi biyo mvwiki yomwe ya kupona." Kati, "Buzuba abumwi, ee, obo mbuzuba bubotuloko." Inzya.

¹⁰⁶ Aboobo mbo mbubo, bwalo—bwalo mbuzuba bubotu, aboobo toonse tuli...Ino ncinzi...mbuli mukwesu mbwa kaamba, "Toonse twa kapegwa mulandu wa lufu." Mbo mbubo, kufwa akuya ku kupenzegwa. Pele lino obu mbuzuba bubotuloko. Tula pona muli Kristo nkabela tatu konzyi kufwa limbi. Ca mana, nywebo mwabona. Tuli muli Kristo ncobeni. Lino atu...

¹⁰⁷ Lino, mu cikombelo, Mukwesu Arganbright, kanji Ndi bweze buyo ciindi cangu. Aboobo ikuti na wafwa nzala ku cilalilo, inga wasobe...Nda limvwa kukatala loko cifumo cino Nda cita buyo kwaamba cintucimwi cimbi kulijata lwangu kwiindilila aniini mane Nda konzya...i Muuya wa Mwami waboola ali ndime.

¹⁰⁸ Aboobo atu kotamike mitwe yesu lino a kukomba katutana kubala Ijwi. Ni nkumbizyoo zyongaye nzo jisi zya zintu zimbi antela ezyo nzyo tako kupailila, aku zibwe buyo mbuli mbo munyamuna maanza anu. Lino atwi—atwi imikile cifumo cino mbuli mbo tukomba. Eco ciyo kupa kucinca nzila ya kukkan alimwi ndiza ciyo gwasya aniini. Elyo mpawo kwamana mupailo, Ndi yanda kuti kamu ciimvwi kwa maminiti masyoonto mane Nda bala Ijwi. Ndi yeeya kuti eco ncipati ca kwiimikila cabulemu kuciindi notu bala Ijwi ly a Leza.

¹⁰⁹ Taata wesu Wakujulu, twa boola buyo cabubombe mbuli mbo tuzi nzila ya kuboola, a myoyo itakwe kuyanda koonse kwa nyika na misaalo yayo. Elyo mbuli mukwesu wesu mbwa balulula na kubambilila, "Lutangalo, lutangalo lwa Mwami ni nguzu zyesu." Elyo twa boola a myoyo ya lutangalo, kuti tu jisi coolwe eci ca kuboola mu Busyu Bwako, ku lomba nkumbizyo ili yoonse eyo njo tukonzya kuyanda. Elyo lutangalo lulasika cindi twa langa mu Ijwi. Elyo twa kasyomezegwa ikuti na tuyu Ci syoma, ciyo pegwa kuli ndiswe. Ncinzi cikonzya kubotezya moyo wa muntunsi oyo uduntaana, limbi kwiinda kuziba kuti Leza, uutafwiki Utamani wakapa cisymezyo cili booboo?

¹¹⁰ Lino kotu jatila, Mwami. Elyo ikuti na twa kabisya na kucita kufumbwa cintu eco caka nyonganya kuli Nduwe, eco katutana kubuzya zintu ezi...Nkambo tu lizi kuti kuli lembedwe, "Ikuti na myoyo yesu taitupi milandu, tula tambula kulomba kwesu." Pele lino kotujatila kuli zyoonse nzo twa kacita. Ko tulanga, Mwami, a luse a lweetelelo. Amulange eco cikama cuusisya nsoni

mbo tubede, Mwami. Bafwika baniini, kaba sobelela koonse awa aa nyika, a kukwelela buyo ambali kwiinda mu busena obu bubi, pele kunsi kwini mu moyo wesu tu lizi kuti kuli Umwi uboola buzubabumwi uyo tusumpula kuzwa ku busena obu kuya ku busena bubotu, alimwi tula tangala muli ceeći.

¹¹¹ Elyo Nda komba, Leza, ku nkumbizyo yoonse. Wa lizi eco cali kunze lya maanza ayo caka sumpulwa. Ko cipa kuli mbabo, Mwami. Nda likombela, ku nguzu cifumo cino, nkambo—nkambo ka jwi lya kugwasya a kukambauka Makanimabotu. Elyo inga twa lomba kuti Uyo tulongezya kapati muli ceeći nco tu sekelela, ciindi ca Krisimasi. Mwami, akube kuti tu Jane Muuya wini wa Krisimasi, alimwi akube kuti Ukkale andiswe kwalyonse. Nkambo twalomba eci mu Zina lya Jesu a kambo ka bukanze Bakwe. Ameni.

¹¹² Lino, ikuti na moyo ima buyo asyoonto, Ndi yanda kubala cifumo cino kuzwa ku Bbuku lya Mika, ku busena bomwe; alimwi kuli bumbi, kuzwa mu Bahebrayo, cipati 12 ca Bahebrayo, ku i...ku bunganya ciiyo ciniini kuli ceeco Nce yanda kukanana cifumo cino ku mulumbe wesu wa Krisimasi. Bahebrayo 12:25, nje njyio. Nda baanga ndabinda cifumo cino cindi Nda buka, elyo Nse jisi cili conse a busena awo Mpeli kuyanda kuba, kuyanda kuba, mubwini. Ndila talika a a kampango ka 2 muli Mika 1.

*Amumvwe,...nywebo nobantu; amuswiilile, O nyika,
a zyoonse ezyo zili muli njyio: a kulekela Mwami LEZA
kuba kamboni kuli ndinywe, Mwami kuzwa ku tempele
Lyakwe lisalala.*

*Nkambo, amubone, Mwami ula yutuka kuzwa mu
busena bwakwe, nkabela uyo seluka, a kulyataula aa
i...masena aa nyika.*

*Alimwi malundu aya kunyebuluka kunsi lyakwe,
a makkuti ayooba mpangala, alimwi mbuli bunzuka
kumbele lya mulilo, a mbuli meenda atilwa aansi mu
busena bwa golonkolo.*

¹¹³ Elyo mu Bahebrayo, capita 12 a kampango ka 25, tula bala eci.

*Mwabona kuti muta mukaki oyo ukana. Nkambo
ikuti na baka yokoka...Nkambo ikuti na tiiba
kayokoka kuli oyo wakaka aa nyika, nkunji buti nko
tuta kayokoki, ikuti na twa futatila oyo uukanana
kuzwa ku julu:*

¹¹⁴ Lino, Mwami Leza, yungizya zileleko Zyako ku kubala kwa Ijwi Lyako, a kutupa umwi aumwi sunu i—i cintu eco Neo yanda kuti tu zibe, kutegwa tuzwe awa a kulimvwa kuti twa kali mu Busyu Bwako, alimwi inga waunka a—a kulanga kupya a kumvwisyä kubotu, a kukanza kunji kwiinda nko twa kajisi

cindi twa boola mu buyake obu. Nkambo twa cilomba mu Zina ly a Jesu. Ameni.

Inga mwa kkala.

¹¹⁵ Lino, kwiina kuzumbauzya, ikuti ni Nda mvwa cibalo eco kubala kwa mulumbe wa Krisimasi, Nda kaamba, “Lino sa oko takuli kubala kwa Krisimasi kugambya?” I... Bukanze bwangu mu kucita ceece, bwakali bwa kuleta mbungano cintucimwi antela bwandeene anii, nkaambo kakuti aa redio kwiinda muli Krisimasi myo mvwa kaano ka kaindi kazizilwe, koonse a koonse, wa bantu basongo kabazwa Kujwe a kujana mwana wa Kristo, a kulemeka kwa beembezi, a kulibonya kwa Nyenyeesi, a twaano otu toonse twa Krisimasi oto twiinka kubamba buzumini bwesu bwa bukombi bwa sunu. Elyo boonse bali kabotu loko, Ndili—Ndili lumbide kuli ceeco. Pele Nda yeeya mu mbungano cifumo cino... Elyo antela mweembeli wesu, ndiza sunumasiku na Munsondo mutobela bano leta mulumbe cintucimwi ali ceeco. Elyo Nda kayeeya mpawo kupa bantu ii—ii kucinca kwa kulibonya kumwi kumbi kuzwa... kujatikizya Krisimasi, elyo Nda kali kunga... Nda kasala cibalo eci. Lino, majwi buyo masyonto.

¹¹⁶ Elyo lino Nda bona uli mukucinca masena, bamwi kabaimvwi, bamwi bakked. Elyo eco—eco ncibotu. Elyo calino tu yooba a busena aboobo tu... Konzyi, twa usa ta tukonzyi kulekela otu tuzila kuzula, ku kaambo kakuti sikuyanganya mililo kuti inga teeba tulekela kucicita. Pele tuyoooba kuyungizya kusyonto calino, na Mwami wayanda. Ba katalika kale ali ncico, alimwi—alimwi mbo tuyu kukonzya buyo kuba a ncico kuyakwa, elyo buyooba busena bwandeene kumaninina cindi caboola ku cibela ca zintu zya busena. Ta kukabi ncobeni kumwi wa cikombele cakaindi kuno libonya. Ciya kubako kacijisi mpulungwidzo zya magilazi amibala, kuyooba ntuli ya matina ku cizunguluka. Ku yooba... Ci yooba antoomwe caandeene. Pele buyake bwakaindi buyo kkalilila awa, nkaambo tu jisi bukanze bwa ceeco, mwabona. “Amuleke malambo akaindi akkalilile,” mwabona. Elyo tuyu civumba buyo a kubikka bbwe kuli ncico, a zimwi zimbi, pele cicili mbubonya buyo.

¹¹⁷ Lino, Krisimasi. Ndi—Ndi lombozya kuti ncobeni bantu inga bacita, kukonzya kumvwisya mu inyika eyi, obo Krisimasi ini mboibede. Lino, bbala taanzi *Krisimasi* nci ii—ii musyobo wa bwaambe bwa Katolika. Lya amba “ya Kristo...” *K-r-i-s-i-m-a-s-i*, mwabona, “pobwe lya Kristo,” mwabona. Ya kasalwa na katalika a mbungano yaba Roma. Elyo Kristo tako zyalwa mu buzuba bwa tweenti faivi bwa Nalupale kwiinda Mbwe kabede. Uh-huh. Calo ncidyobedyobe buyo cimaninide ca kayanza kabuzumini. Nku koonse kuliko kuli ncico. “I inyika yoonse,” mbuli musinsimi mbwa kaamba, “yaba azilonda ziasama.” Mbo mbubo. Buyo tacili cintu cisalala ali onse. Mazuba aakupumuna ayo imininwa aa... Baa, Santa Claus waka bweza busena bwa

Krisimasi, kuzyalwa mu cilido cabanyama. I kasulwe a nkuku a ngowani zipy a zya kabweza bubuke. Elyo mpaali Leza mpa libonya muli koonse oku? Mwabona? I kaambo ka ceeci nkaambo kakuti, muntu, mu mpindu.

¹¹⁸ Baa, ba katalika kuula myeezi ya Krisimasi yakainda, alimwi ino ncinzi pele mukondo wa buhedeni! Taakwe cintu kujatikizya ncico cabunaleza. Oh, basola kwaamba kuti, “Kopa zipego, ku bantu basongo.” Ako buyo ii—ii nkasensa ka ntamizyo ya dyabulosi. Uyanda kupa cintucimwi, mbuumi bwako kuli Kristo. Muta pani umwi aumwi, amu cipe kuli Nguwe. Ako nkekaambo Nca kafwida. Obo mbo bukanze Bwakwe bwa kuboola. Mwabona?

¹¹⁹ Pele bweelede kuba busena awo mpo—bwalo—bwalo ndutuko ku bana baniini. Simukobo umwi muniini kunselelo lya kagwagwa inga kajisi zinji, alimwi muntu umbi muniini tajisi cintu, nkabela bala langa. Elyo calo—calo ncintu buyo coonse cili lubide kumaninina. Kwa mana. Elyo basambazi bala busya makwebo abo ku masena aya. Ba . . . Baa, mukaintu wangu waka njila kujana cintucimwi ca balombwana bamwi baniini, a kutandila mvwiki zyotatwe zyainda, kati, “Oh, twa kamana kusambala. Zyonse zintu. Twa kacita kuula kwabili kwa zintu mwaka uno, akumana ku zisambala zyonse.” Mvwiki zyotatwe na zyone ciindi kacitana talika kuula zintu mu zintoolo. Oh, ino mbubambe upati bwa mpindu mbobubede!

¹²⁰ Elyo, nekubaboobo, sena mulizi obo Krisimasi mboya kasola kutalika, eci nco twiita kuti Krisimasi, “mulalilo wa Kristo”? Nkaaka kaano ka ncico, kabala buyo kaniini Nke lembede awa aa peegi. Nda kazwaa kumanizya mu mwaka wainda, Nke tana kuba a *Makkalo Aa Mbungano* ali Ciloba, kaayiisa awa, Nda kabweza *Nicaea Council*, a *Pre-Nicaea Council* a *Post-Nicaea Council*, a *Nicene Fathers*, a Hislop’s *Two Babylons* a Foxe’s *Book of Martyrs*, a boonse, nkaambo Nda kamvwa bakutausi kaba cibalulula. Pele Nda kali kuyanda kucibala lwangu, kubona, kutegwa inga Nda—Nda ziba cindi Nda cibala na kati ku bantu bangu, nkaambo Leza uyo ndibamba kwiingula ku Buzuba bwa Lubeta eco Nce wamba ku bantu. Aboobo, Nse elede buyo kwaamba eco muntu umwi umbi nca kaamba kuti bala, Ndi yanda ku cibala lwangu, mwabona, a kuziba.

¹²¹ Lino, ncobeni, Krisimasi, Kristo, Nda syoma a kutandila kutondezya . . . Mbuli bubuke mbo bukonzya kutondezegwa kwiinda ku kulanga Mulengi, obo Mbwa kalenga buumi obu boonse bwa masamu, a nzila zintuzyonse mbo zibelekela bukanze Bwakwe zyelede kufwa, alimwi, ikuti na bwafwa, bula pona alubo nkaambo buli jisi buumi buzumanana. Pele nzila buyo mbo ikonzya kupona alubo, ni mbuto yakamena. Mwabona? Lino, Leza ulalitondezya Mwini mu bulenge obo, alimwi citondezya kuti boonse aba tuleza twa bupagani a zintu ta tululeme. Mwabona, lwalo ndwiiyo buyo lwa bulenge

a kwezeezya. Pele i—i Umwi Oyo wakalenga Julu a nyika ulalitondezya Mwini kujoka kwiinda mu bulenge Bwakwe, obo Mbwa bede mu bubambe Bwakwe. Elyo mpawo ikuti . . .

¹²² Sena mwakasola kuyeeya, cindi Kristo nakazyalwa, kuti Mwana wa Leza, nkaambonzi Nca kazyalilwa mu cilido cabanyama, mu cimpati, a kulala mu cilido cabanyama? Nkaambo Wa kali Kabelele. Taka konzya kuzyalwa mu maanda, tubelele tatu zyalilwi mu maanda. Elyo mpawo sena mwakabona cindi nibaka Mu tola ku Kalivari, a nzila Mbwa takali kukonzya kutija. Wa kajisi ciingano eci cakabikkidwe aali Nguwe. Wa kaumwa mane sule Lyakwe lyakali kusweka bulowa. Elyo, pele baka Mu solela, ba kasololela Kabelele ku cijailo. Mwabona? Wa kali Kabelele. Ee, elyo ikuti na boonse obu bumboni bwa bulenge, obo Mbwa kabede . . . Ndelili tubelele twa kazyalwa, muli Nalupale na mu Mukubwekaangala? Nincobeni. Mwabona, mbufuba buyo, mwabona, kuyeeya cintu cili booboo.

¹²³ Eci cakacitwa a mbungano ya Katolika yaba Roma kacitanaba mbungano ya Katolika mu Rome. Kutandila A.D. 606, kubusena bumwi antoomwe omuya, na 306, mubwini. Lino, tu jana kuti bapagani ba Roma bakali kukomba Jupita, lili ngu kaleza kazuba; elyo bakali kukomba Ashitoresi, oyo wakali kaleza kamweezi, na bumbi banyina wa . . . i—i banyina waku julu. Ee, kuleta eci aansi, ba kati Ashitoresi, na kaleza, banyina waku julu tii wakali limbi, a kulitondezya mwini muli Mariya. Aboobo ucili mutuni asunu, kuswaanganya Bunakristo ku bukombi bwamituni.

¹²⁴ Mpawo akwalo, nkabela baka penga, na kukomba a kulemeka buzuba bwakuzyalwa bwa kaleza-kazuba kabo, obo bwakali Jupita. Ndeelyo zuba kuzwa kuli Nalupale lutaanzi kusikila Nalupale twenty faivi, tali cinci pe, lila inda kaprikoni walyo. Elyo, akwalo, Ndi jisi kabeela kuzwa mu mutende Ndi yanda kubala kuli ndinywe ciindicimwi, ku mugambya buyo. Nywebo mwaambaula eco cakacitika kunselelo kuno ku mulonga buzuba obo, Ndi yanda ku mutondezya kujana mu Jerusalema kusimpikizya ceeco, mvwiki buyo zisyoonto zyainda, kuzwa mu mutende. Cintucimwi ncoba kajana mu Jerusalema mvwiki buyo zisyoonto zyainda, uyo simpikizya ncobeni kuti Angelo kaboola kunselelo okuno ku ciindi eco nciconya a kutuma mulimo. Inzya. Mwabona? Lino, nse kacizyi kusikila mvwiki zisyoonto zyainda, elyo nceeci mu mutende.

¹²⁵ Lino amubone cindi nicaka kosola ceeco, cili—cili muli ceeco, mwabona. Lino, kwainda Nalupale ya mu twenty wani, mazuba ayo talika kuceya loko abumwi, na kulampa aniini buzuba abuzuba, kusikila lyasika ansi mu Kunkununamasamu. Mpawo citalika kukola alubo mane caba kabotu . . . Elyo eco ncindi buyo cakupumuna. Elyo bapagani ba Roma bakati bwakali buzuba bwakuzyalwa bwa kaleza-kazuba. Kuzwa kuli Nalupale lutaanzi, na Nalupale twenty festi kusikila Nalupale mu twenty

faivi, ba kajisi i—i buyake bwa zyuuno bwa misobanino yaba Roma, mizundano ya nkalaki azimwi zimbi zyakali ali ceeco, kuciindi eco. Ee, mpawo, cindi Banakristo na Banakristo ba Roma, kuyungizya kayanza kabo kabuzumini kuti babikke mabazu obilo antoomwe, boonse bapagani a Munakristo, ba kati, “Ikuti na mbuzuba bwakuzyalwa bwa kaleza-kazuba, atu cibambe buyo kumaninina kuba buzuba bwakuzyalwa bwa Mwana wa Leza.” Mboobo buzuba bwanu bwa twenti faivi bwa Nalupale ku mulalilo wanu, mulalilo wa Kristo. Oh, ino ncintu cibyaabi! Mwabona?

¹²⁶ Lino, ku kuswaanganya. Baa, yebo wati, “Sa buzuba bumwi tabu kaciti?” Iyi, pele kuswaanganya Kristo kubelesya bupagani? I cintu nciconya Nca kasikila kulesya, ba Mu swaanya kujoka a ncico alubo. Mwabona? Eco nce cintu cilubide. Elyo Santa Claus, mudaala umwi mu Germany, wakauzikitwe kuti Kris Kringle, inga waunka konse kupa bana zitondezya abuzuba bwa kusekelela Kristo, wa kali muna Katolika nkabela baka mubamba kuba musalali, eno Musalali Nicholas. Mwabona? Ncibotu buyo... Bayo... Kuti, nywebo mulizi eco nekuba. Mwabona, tuli bajisi mu *Makkalo Aa Mbungano*.

¹²⁷ Pele cifumo cino, eco Nce yanda kwaamba nceeci, kuti, obu buzuba buboola bwa Krisimasi bula jana inyika mu ciimo cibotu kwiinda mbo kwakabede myaka ili cuulu amyaanda ili fuka na makumi obilo yakainda cindi Kristo nakasika. Ta ciindene pe. Kutandila buyo ciimo nciconya mbuli mbo cakabede kaindi, mbo cibede lino. Ba... Ikuti na inga Nda bamba kumaninizya kuzwa kuli eco... na cibalo kuzwa kuli eco nce Ndiyo amba, cilaba kuti: *I Kuyabaala Kwa Bweende Bwa Inyika*.

¹²⁸ Cindi Kristo nakasika aa Krisimasi, myaka yakainda ili cuulu amyaanda ili fuka, inyika yakali kuyabaala, zintuzyonse zyaka boola kusofwaala. I inyika ya bukombi yaka sofwaazigwa. I inyika yaba Roma, mukulilemeka, yakali aa ciimo cayo caansi loko. Oh, bwaamu bwa inyika! Iba Juda baka siide Leza wabo a kubweza pobwe lyabo lisetekene a ku li bamba kuba kansiyansiya ka cilengwa cabukombi. Leza wakali zwide kuli mbabo. Elyo ba kalizi kuti kwakali cintucimwi cakacita kucitika, inyika yoonse yakacita, nkaambo, ku cibamba antoomwe. Ya kali kuyabaala. Elyo *cintucimwi* caku ciswaanganya antoomwe, cisi acimwi mu nzila yabo beni cakali kulangila cintucimwi na muntu umwi kuboola kucijatilila antoomwe.

¹²⁹ Ikuti na eco tacili ciimo asunu, Ta ndizi inyika. Ci langila cintucimwi caku kwijatilila antoomwe! Cili buyo mbuli kuti yakali myaka ili zyuulu zyobilo yakainda. I inyika, myaka ili zyuulu zyobilo zyakainda, wakali kulangila Mesiya kujatilila cintu antoomwe. Pele myaka ili zyuulu zyobilo yakainda, Leza wakapa inyika Mesiya. Nkaambo ikuti na tu langila cintucimwi a kulangila cintucimwi, Leza uyo cituma kuli ndiswe. Elyo

lino inyika, kumane myaka ili zyuulu zyobilo, ya kajokela mu ciimo nciconya yakali myaka ili zyuulu zyobilo yakainda. Ili muku yabaala, masi, taakwe kwalo—taakwe ntalisyo ali onse. Kkomunizimu, buna Katolika, buna Protestanti, tunzenyu, kulilemeka, zintu zyoonse zya yabaala.

¹³⁰ Elyo bali mukukombela Mesiya. Pele nceeci Nce yanda kwaamba! Ikuti na Wa sika, sa inga twa Mu tambula na inga twa cita mbuli mbo bakacita? Sa inga twa Mu kaka? Sena tu lizi eco nco tu yandikana ncobeni? Ziindizimwi tu yanda, tula kombela kuyandisya kwesu, alimwi ziindizimwi kuyandisya kwesu taku yandikani kubula kwesu. Twe elede kumvwisywa kuti ta tumvwisyi eco nco tubulide; tu yeeya kuti tula cita. Pele Leza wakasyomezya kupa kubula kwesu, alimwi kuti Uyo cita.

¹³¹ Lino, ino kuti Josefa wangu muniini, myaka ili ciloba yakukomena, wayanda kuo mvwima antomwe andime, nkabela wakali kunga walila a kukwila kubweza ntobolo yangu ya otomatiki, kwi longela misyonga, “Nda konzya kujaya kasulwe, Taata”? Ee, Nse—Nse kakonzya kumulekela kucita ceeco, nekubaboobo walo—walo uyeeya kuti ula ciyanda, pele Ndi lizi kunji kujatikizya ncico kwiinda mbwa cita. Alimwi ino kuti muvwanda wako muniini wa mwaka acisela kukomena wakubona kuligela kubeleysa mbeli ibosya, a kukwiila a kulilila mbeli eyo? Nekubaboobo wa kakubona kugela, uyanda kucita cintu nciconya. Baa, nywebo mulizi eco cibotu maningi kuli nguwe. Nekubaboobo inga to—inga to mulekela kuba a ncico, nkaambo, ikuti na uli sikuyeeya kabotu inga tocita cintu cili boobo mbuli ceeco, pele inga wa citantamuna kuli nguwe. Elyo mpa wo ziindi zinji tu yanda cintucimwi eco ciimpene kuli ca Leza mukuziba eco nco tu bulide, aboobo Ta kacipa kuli ndiswe.

¹³² Elyo bakali kukombela Mesiya. Ba kali kuyanda Mesiya. Pele mpaawa mpo cibede, bakali ku Mu yanda munzila eyo—eyo njo bakali kuyanda. Elyo Leza waka Mu tuma mu nzila eyo Nja kali ku Mu yanda, nkabela baka Mu kaka.

¹³³ Elyo bala cicita alubo sunu, kucita cintu nciconya sunu, inga ba Li kaka alubo. Bala cita cintu nciconya lino mbuli mbo bakacita kaindi. Nkaambonzi? Ku kaambo nkakonya, kaambo nkakonya. Wa kaboola mpa wo, alimwi tu lizi kuti Wa kaboola. Wa kaboola, a kuli mbabo, pele Ta kaboola mu ciyanza alimwi mu nzila eyo njo baka Mu yanda kaboola. Elyo ikuti na Leza watu tuma cintucimwi sunu, neo twiita kuzwa kuli ncico, a mbungano, a cindi Leza acituma tatu ciyandi. Ta ciboola kweelela kuyanda kwesu kwakabungwe. Ta cibooli ku muzeezo wesu—wesu wa lwiyyo lwabukombi kuli ncico ziindizimwi. Pele calo i—i ncintu nciconya nco twa kakombela. I nkumbizyo njionya njo twa lomba kumbele lya Leza, Leza waka Li tuma kuli ndiswe, nkabela tula Li kaka.

¹³⁴ Tu yanda cipego ca Krisimasi cizwa kuli Leza, pele tu ciyanda nzila mbo tu ciyanda. Leza ula cituma nzila mbo tu ciyanda. Uli zyi eco cisi, Uli zyi eco mbungano ncoi yandikana. Pele tu yeeya kuti tu lizi, pele Uli zyi ncobeni mbo cibede.

¹³⁵ Lino, mbuli mbo Nda amba maminiti masyoonto aind, twa boola kuli oyu Krisimasi alubo, inyika ili mukuyabaala. Atu zyaambe buyo zintu zisyonto Nze lemba awa.

¹³⁶ Amulange bwaamu bwa inyika, taakwe nibwakali mu ciimo caansi, pee. Ndi—Ndi jisi caano awa eco Nce yanda kubala tumpango tusyoonto twa ncico. Cila janzwa mu ii—ii mutende, wa Standard Bearer, waku Africa, waamba kuti, “I lufu lwa kusama kabotu. Kusama kabotu kwa bukaintu, bube ob bubotu Leza mbwa kabikka mu mukwasyi wabantu bwaku kabilila zyeelo zya kulilemeka, uli mukufwa sunu, mbuli banakazi a basimbi batazyi mbo bakotamika mazwi abo ku kaleza kanakazi ka ziyanza zyampuwo akuta muka kukozyanya ku kwiindilizya kapati kwa mause amasitailo abusyaasunu mu kusama kabotu.” Ndi jisi mapeegi aa ncico awa. “Obo Mbwe takamvwa cintu cili boobo! Alimwi kukwelelzya kwa nkwela kulanganisigwa kuba kwamula akati ka Banakristo a batali Banakristo.”

¹³⁷ Mbuli oyu Mukwesu wesu tuyandisi Arganbright nkabela Nda boola kusalelo lya mugwagwa cakufwambaana cifumo cino, kali kwaambaula zya ciiyo, neiyumu kujana musimbi ujisi kusama kubotu kanji kufwa nsoninoni. Ba kamvwa kudana kunji kwatombe a busofwi, alimwi, baa, to konzyi kwaamba cintu cibabamba kuusa nsoni. Cindi, myaka misyoonto yainda, buyo Ne kacili mulombe, cintu ciniini cilubide, masyu abo nakabala, cintu ciniini cainda, alimwi umbi musimbi muniini kajisi musinsi muniini wakunsi inga watondezya ku eikolo, elyo Nda kalimvwi, nke ambaula, elyo cindi nakalanga a kubona musinsi oyu wakunsi muniini wa musimbi kaulibonya, busyu bwakwe buniini bwakapa kusubila, elyo waa keenda kuzwa kuli ndime, musimbi wa myaka ili kkumi acisambomwe yakukomena. Baa, ino ii... oyo ngo bube bwakapegwa aa Leza ku kukwabilila kulilemeka kwesu.

¹³⁸ Mpawo inga wagambwa kaambo Nce ompolweda bufuba buli boobo mbuli mbo tuli mukuba sunu, kuliita tobeni kuti Banakristo, a banakazi kusama a kulilemeka, a baalumi kufweba misanga yatombwe, a zintuzyonse zimbi, a kulilemeka bumwi mbuli boobu. A bakutausi mu cikambaukilo, kulimvwanya, nkabela taba kakulekeli akwalo kuboola ku cikambaukilo kukambauka kulwana zintu zili boobo. Ndalibuya ikuti na ta tuciti cintu coonse sunu mbuli mbo bakacita kaindi myaka ili zyuulu zyobilo zyakainda! Amuyeeye, cindi Israyeli niya kacita ceeco, Leza wakabusya Isaya. Cindi eco nicaka ponwa kaindi nkabela baka talika alubo, Wa kabusya Jeremiya, muciindi cakatobela. Elyo Leza tacinci nzila Yakwe

yakucita zintu, Ngu Leza Utamani. Ta konzyi kucinca. Muzeezo wakwe mutaanzi wa kucicita weelede kacili mbubonya lyoonse.

¹³⁹ Eco nco tu yandikana sunu Mulumbe unanikidwe a Bumesiya bwa Kristo. Pele sa bayo Utambula? Bala Ukombela, pele sa inga ba Utambula? Peepe, munene, inga tii Bau tambula. Bala Ubambula mbuli mbo bakacita busena butaanzi. I moyo wa muntu ula cenga.

¹⁴⁰ Kulilemeka, nzwango zyacisi. Mpaali inyika mpoya kalibambide kuyabaala mu kulilemeka kwinda mboi cita sunu? Elyo nguni wakabikka i—nguni wakabikka ntaamo? Swebo tobana America. Cindi Ne kali ku—ku San Angelo mu Rome, okuno kutali ciindi cilamfu cainda, ku namaumbwe aku San Angelo, kwakali citondezyo kutala okuya ku banakazi bana America, ku “Akaka amusame zisani, ku kulemeku bafu, kakutanaba kunjila mu namaumbwe.” Ii cisi cabukombi, ceelede kuba cisi ciyoowa Leza! Tu pona aa luzibo lwakaindi lwa bantu bambi, basikale besu abo bakali Banakristo.

¹⁴¹ Nzwango zya cisi. Takunaba aciindi mu inyika cakuti eyi inyika tii yakali limbi mu ii—ii—ii kumwaika kwacisi akuyabaala kwinda mbo cibede kwalino. Baa, mula abona malembo a nkani zya tupepele a—a basikwaamba a kukanana zyakumbele, a zimwi zimbi, kwaamba zya mabbomba a ceeco ncobakali kukonzya kucita, cisi buyo cili coonse ciniini, kunyonyoona inyika yoonse. Elyo kwiina luumuno akati kabo. To konzyi kuleta luumuno munzila eyo. Luumuno a luswaanano tazikonzyi kuboola kwiinda—kwiinda ku tunzenyu, luboola kwiinda kuli Kristo. Ta bayandi ku Lu tambula.

¹⁴² Obo mbo Ndi konzya kwaamba zintu zimwi awa! I bubi mu tunzenyu twesu, baa, tunzenyu tuli bolede loko! Wa kali kumvwa *Monitor* busiku bumwi, Nda yeeyela, na kuyeeya aka kapepele, oora na obilo kuzwa mu Louisville awa, oko nkoba swaangana cisi coonse, alimwi bakali kupa, bala cita ziindi zimwi aa ziiyo zyandeene, elyo baka cipa aali Ba. Nixon uli mukunyona kuzwa ku tunzenyu cindi na kasweekelwa mukowa wakwe, mukowa wa tunzenyu mu Los Angeles, na kwiinda mu California, a “Sa inga wasola kujoka?” Elyo cindi kapepele, nikwakainda maoora obilo na otatwe, Nda kaciswiilila kuzwa kunselelo kuya ku ng’anda ya Mukwesu Charlie awa, a ku ciswiilila ka ciyutuka, Mukwesu Wood a Ndime, aa redio. Elyo kuboola kuziba kuti Nixon, ku cisi coonse cakujwe okuno, mbuli kuciimo ca kapepele mbo kakasika, kuzwa ku Mississippi kusika ku Pennsylvania, kuti waka zunda Ba. Kennedy, alimwi bantu balaita a kutondezya, kutandila vooti lyomwe na one. Mpawo muntu wakaima a kwaamba, “Ikuti na to kajisi—kajisi mincina ya bumpelenge inga uyooba Muleli.” Mpaawo we. Tunzenyu, ka tweena, kabo lede ku mabazu obilo. Nse mutongooki, inga Nda waala maanza mujula, alo, akulekela zintu zibi zinunka, zyeenda

a inyika nekuba. Pele amu jatilile maanza anu kuli Kristo a kwaamba, "Mpaawa Nda boola, Mwami."

¹⁴³ Nzwango zya cisi. Elyo lino mpaali mpo mweelede kuyeyya kuti beeledé kuba mukusola kujatilila antoomwe, bali pambukene maningi. Eyo nje nzila mbo cakabede mu ciindi ca kuboola myaka ili zyuulu zyobilo yakainda cindi inyika niyakali kuyabaala. Ili mukuyabaala sunu kundi lya ziimo nzyoonya.

¹⁴⁴ Elyo mpawo mbungano ya bija! Oh, ma! I kubija kwa bukombi! Oh, mbufuba kubona inyika kumane myaka ili zyuulu zyobilo zya Bbaibbele a Muuya Uusalala mukuba ano aa nyika, elyo sunu ili mukuyabaala kuciiimo cibyaabi mbuli mboya kabede myaka ili zyuulu zyobilo yakainda. Kubija kwa bukombi. Tunzenyu twa kanjila bukombi, a bukombi twa kanjila tunzenyu. Cintu ciyoosya kubona ciimo! Ndi lizi mbo cibede. Yebo wati, "Mukwesu Branham, to elede kupenta ciimo mbuli ceeci awa ku ciindi ca Krisimasi." We elede kuziba bwini, eco nco elede kuziba! Lino, mbobuti mbo konzya . . .

¹⁴⁵ Leza uyo longezya, pele eco cilongezyo ceelede kusika kundi lya ziimo zimwi, ziyandika zimwi ezyo nzyo mweelede kukkwanya. Elyo ikuti na to kkwanisyi ziyandika ezyo, mpawo zilongezyo a zisyomezyo zya Leza tazikwe nguzu kuli nduwe. Leza wakasyomezya kuswaana Israyeli kufumbwa kuti bakabamba mapobwe ayo aasinizizye a zintu, a—a kusetekana a kusinizya. Leza wakaba swaana. Pele cindi walo, ba kaunka buyo kucibamba mbuli cilengwa ca mukwasyi, mpawo Leza waakaka kucicita limbi. Wa kati banunka ku busyu Bwakwe. Aboobo ncintu nciconya asunu, kuti twe—twe—twe elede kupilukila ku bwini bwa cintu.

¹⁴⁶ Nzwango zya tunzenyu mu mambungano! Tula ima sunu a tubungwe twandeene tuli myaanda ili fuka twa Bunakristo, umwi aumwi kalwana umbi. Ee, eco, tii cakali cibyaabi loko cindi Na kaboola, kwakali buyo nkamu ya bantu batandila kuli bone na bosanwe babo, Bafarisi a Basaduki, abamwi bambi. Pele lino tu jisi myaanda ili fuka a cintucimwi. Baa, cili mu ciimo cibyaabi, mbungano ili, kuli oyu Krisimasi, kwiinda mbo kwakabede myaka ili cuulu amyaanda ili fuka ku Krisimasi. Kwakali mu ciimo cibyaabi lino. Nzwango zyatubungwe! Ncinzi cakacicitya coonse, mweenzuma, nkaambo kakuti tunzenyu twa kabweza busena bwa Muuya Uusalala. I Muuya Uusalala uyanda kubweza Ijwi lya Leza a kusololela mbungano ku kuzunda, pele mabambe aalwiyo a mabambe aatunzenyu, tuyanza twabuzumini a tubungwe twa kacilekela mu nzila zili myaanda ili fuka ziindene. Aboobo mbungano tai jisi . . . I eco citegwa "mbungano." Ta ndaambi Mbungano ini; Ici yaka mulilo mpoonya awo, oh, iifyi, Ici kkala mbubonya. Pele eyo yiitwa kuti "mbungano" mu inyika, eyo iboneka kuba i—i moongola wabuyake obo bubikka i . . . kuswaanganya inyika antoomwe, oko kujatana nko twiita sunu kuti nkulilemeka a zintu zya

inyika, zya kalondolwa. Milambi yayo—yayo ili bolede, alimwi ili... inseke ya kuliyanada, alimwi walya intalisyo nzyoonya kuzwa kunsi. Cili kasimpe ncobeni. Lino mu ciimo buyo Ca kaamba kuti inga ciyo jana, Timoteo Wabili 3, “Basikainya, basikulisumpula, basikuyanda misaalo kwiinda basikuyanda Leza,” a zimwi zimbi.

¹⁴⁷ Mpawo ikuti na twa bona tunzenyu mu ciimo mobabede mu masi, elyo tula bona mambungano mu bubi bwawo mu tubungwe twayo, elyo nekubabooobo tu yanda Leza kuboola kuli ndiswe mu zintu ezyo. Leza taka seluki mu cigelo eco a ndiswe, kunsi lya zintu nzo tu Mu yanda kuti aboole. Ta kacicit. Ula salala alimwi Uli—Uli—Uli zyi eco cibotu maningi. Ikuti na twa ita, Ula tuvwiila. Elyo cindi Na tuma bwiinguzi, tula Bu kaka. Tula Bu yanda munzila njo tu Bu yanda. Elyo tu sola kuleta Leza, a kusola kuli futula tobeni, kwiinda ku cintu nciconya eco catondezegwa kuli ndiswe. Mbungano, akaka amumvwe eci! I cintu nciconya eco ca bunaleza catondezegwa kuli ndiswe, eco caka tubisyia, elyo nekubabooobo tu langila ciyanza eco nciconya ku tufutula. Kujoka ku Ijwi! Eco ncencico Mesiya ncayo wamba. Lino, pele tu langa ku—ku tunzenyu. Tu sola ku nyika ya cisi, tu sola kwivuna kwiinda mu tunzenyu. I mbungano iyanda inyika yesu kiifutuka (mbungano yanyika) kwiinda mu tunzenyu. Oku kucitika kwa kaumpa inyika ciindi a ciindi, kuzwida ciindi ca Musa. Cintu nciconya, tunzenyu tusola kweendelezya. Elyo cili nyongene. Takukwe nzila muntu mbwa konzya kucicita, taakwe cintu cibotu mu muntu kuzwa kumatalikilo. Ako nkekaambo nca keelede kufwa.

¹⁴⁸ Elyo cindi twa—cindi twa—cindi twa bona inyika eyi mu ciimo eci, kuboneka kuyabaala mu bukkalo abumwi, cindi inyika yanjila mu ciimo eco, bantu bala komba. Oh, awalo Muleli wiitila (cakali cinzi?) maminiti ali kkumi na oora na cintucimwi, ca mupailo. Eco tacika gwasyi pe. Eco nco tu yandikana takuli kukomba, pele kweempwa, kujokela, kuzwa, kusiya. Jokela kuli Leza! Inga ndasala kuba a kuumbulizigwa kwangu kuyakidwe aa Ijwi lya Leza a lubbizyo lwa Muuya Uusalala, i Busyu bwa Kristo, kwiinda bukwabilizi boonse obo tunzenyu na mambungano mbwa konzya kusola kumupa. Nincobeni, nkaambo Ndi lizi Eco ciyo ima.

¹⁴⁹ Tii twa kajisi akwalo cisi nitwa kali kabotu, ikuti ni twa kaba buyo a cisi ca Leza, Bwami bwa Leza. Leza lyoonse ulaingula aku batumina kwanguluka, pele taba yandi ku citambula. Kuti, Leza ulaingula cindi cisi canjila mu musyobo oyu wa ziimo, ciindi coonse. Cindi inyika, mubwini, yanjila mu ciimo eci, kuyabaala, mpawo Leza lyoonse ulaingula mupailo wabo, ula batumina musinsimi na cintucimwi, musinsimi umwi singuzu ku cuumina canguzu. Pele taba kamu swiilili. Ino bacita nzi? Kamubikka mu kabanda. Jesu wakati, “Nguni umwi wanu, bamauso banu bata kabikka basinsimi omuya mu kabanda, elyo mpawo kutuba,

kuba tubya lino, a kuyaka tubanda twabo? Elyo nde ndinywe mwaka babikka omuya.” Mbo mbubo. “Nguni umwi wa . . . ?” Ba kalilila lugwasyo. Leza waka lutuma kuli mbabo, nkabela baka Lu kaka. Mpawo nziinzi, sa Leza ngu tongaukwa na mbantu batongaukwa? I bantu mbatongaukwa. Nicobeni.

¹⁵⁰ Cindi Jesu nakazyalwa, inyika eyo, mbuli Mbwe amba, ili mukuyabaala. Ca kali kweenzegwa a tunzenyu, a tunzenyu twa kanyonganisigwa mu mazuba ayo. I mbungano ya cisi yakabija. Iba Roma a Bagriki bakali kulangila mesiya uunankidwe. Iba Griki a Baroma abo antela baka jisi cibela cibotu maningi ca inyika, alimwi bakali kulwana umwi, akati ka umwi aumwi, aboobo ba—ba kali kulangila mesiya umwi uunankidwe kuboola. Elyo ba Juda, bakali kuyanda mesiya kuboola. Elyo ba Roma bakali kulangila situnzenyu umwi mupati wakali kukonzya kwiima mu Rome, kweendelezya Greece a kubaambila nzila ya kucicita, nkabela Rome uyo endeleyza inyika. Greece yakali kuyanda situnzenyu mupati kwiima, situnzenyu uunankidwe, mesiya, inga watii, “Tuyo—tuyo bweza ba Roma aba Juda, abamwi babo.” Mwabona, nce ncico ncoba kali kulangila.

Ikuti na eco tacili ciimo sunu, Ta ndizi mbo cibede. Yaa!

¹⁵¹ Tunzenyu twakali kuyanda mesiya uunankidwe. Elyo ba Juda bakali kulangila mesiya, alimwi bakali kuyanda umwi oyo wakali kuyo njila mbuli ngo bajisi, ba kali kuyanda silutwe mupati oyo wakali kuyo njila a kukotama Rome a Greece kuzwa aa nyika nkambo ka mbabo. Oyo ngo musyobo wa mesiya ngo bakali kuyanda. Ba kali kukombela musyobo oyo wa mesiya. Iba Roma bakati, “Kotu tumina omwe. Atu vootela muntuumwi muli oyo muntu uunankidwe, muntu uumvwisyia, ngu simabibo mu tunzenyu, uyo ziba buyo ncobeni mancenjela aku bweza Greece ayonse inyika.” Bamwi ba nyika bakali kulilila kuti, “Ko tutumina umwi uya—uya—uya kunanikwa kapati a mizeeo ya bupampu busale kuti uyo ziba nzila ya kutola bweendelezi bwa inyika yoonse.”

Lino, ikuti na eco tacili ciimo ca inyika eyi sunu, Nse cizyi.

¹⁵² Elyo mbungano, kailila, “Kotu tumina silutwe mupati wakuboola, alimwi oyo uyo bikka umwi aumwi wesu mu zilwanyo, a kuziba nzila ya kubelesya cceba a ku twaambila mancenjela, nkabela tuyu tola Rome, ba Griki, abamwi babo kuzwa aa nyika.” Eyo nje nzila njo bayanda kucita, kweendelezya! Ezyo ni—i nguzu.

¹⁵³ Cintu nciconya buyo sunu nco tu jana mu mambungano. Nywebo noba Methodisti, mula ngila mesiya. Ino musyobo nzi wa mesiya? Kutali Leza omwe ngwayo kutumina. Nywebo noba Baptisti, mu yandaula mesiya. Nywebo noba Assembilisi ya Leza, mu yandaula umwi. Nywebo noba Oneness, mula yandaula umwi. Mbo mbubo. Pele ino muyandaula nzi? I cintu

nciconya inyika ya tunzenyu ncoi yandaula. Nkambo umwi sibupampu musalesale mupati wa mathamatikisi, sicikolo umwi mupati ujisi D.D., Ph.D., kuboola mu mbungano yako, uyo zunda otu tubungwe tumbi akucitya bonse kusangana yabo. Muntu umwi ukubwene loko kusandula cakuti ingwa weendelezya cintu conse.

¹⁵⁴ Uli mu kulilila mesiya okuno ku ciindi ca Krisimasi. Uh-huh. Ino baka jana nzi? Ba—ba kali kuciyanda. Ba yanda kucitola bweendelezi. I inyika sunu iyanda kutola bweendelezi. I mbungano iyanda kweendelezya, kabungwe akamwi. Pele amulange eco Leza nca kabapa! Ba kali kuyanda sibupampu musalesale wampi. Ba kali kuyanda ii—ii sibupampu musalesale wasayaansi, pele Leza wakabapa Kabelele, Muvwanda. Ino ndiindano! Muyeeya kuti inga bamuzumina oyo Mwana ulila? Pele eco ncobakali kuyandikana. Leza ula kupa kweendelana ku kubula kwako. Cilimasimpe. Ba... Wa kajana... Ba kajana Muvwanda cindi nibakali kuyanda silutwe mupati; pele baka jana Muvwanda, mubombe, mutete. Leza wakalizi kubula kwabo, nekuba.

¹⁵⁵ Ta kaboola kuba sicisi na situnzenyu ku mbungano. Elyo ikuti na Mesiya wasika sunu, inga Taba sicisi na situnzenyu ku mbungano. Elyo ikuti na twa lilila muntu uli boobo, Leza uyo tutumina kuvunwa, pele tweede ku Li tambula mu nzila Nja Li tuma. Tiiba kacicita, teeба ka Ci yanda munzila eyo. Imbungano yaompolola sunu, “O Taata Wakujulu, sa Ula tuma Jesu kuli ndiswe akaka? Sa Ula cita akaka?” Elyo cindi Muuya Uusalala watalika kunjila, “Oh, eco... Ta tuyandi ceeco.” Mwabona? Ee, koba, “Oh, oh, ta tuka zuminini oyu muntu kutulela. Oh, Nse yandi kumvwa Ceeco. Peepe. Ma... Nse kakonzya kuzumina Ceeco, kabungwe kangu taka kasyomi Ceeco.” Mpawo to yandi Mesiya, to yandi bunanike. Ikuti na Leza wakatuma Mesiya, inga Uyo oba Ijwi lini ku Ijwi lya Bbaibbele, mbubonya obo Mbwa kabede ku ciindi citaanzi. I kulila kwa inyika, cindi twa bona basitunzenyu a zintuzyonse zimbi kazisyamba Buumi mbubonya bwa mbungano, elyo tula lila, nkabela Leza waka citu tumina, mpawo inga twa Úkaka. “Mbo mbubo, inga tii twa ciyanda. Peepe, ikuti na tii caka zuminana a buzumini bwesu—bwesu bwakabungwe, inga tii twa Bu tambula.” Mwabona? Oh, sa tamu boni eco Krisimasi wini... I bantu taba Ci yandi. Taba yandi nzila ya Leza yaku Ci tuma. Ba langila cintucimwi, pele taba Ci yandi.

¹⁵⁶ Lino, Leza waka batumina, mu buzuba mbo bakali kulila, kutali sibupampu musalesale wampi, kutali silutwe mupati kaselemuka a cikwabilizyo a zilwanyo, alimwi a cceba liindakugambya na sumo kuti wa kali kukonzya kulipa a kweendelezya Rome aba Griki a bamwi babo mu lwizi a kubanyikizya alubo. Ta kabatumina cintucimwi mbuli ceeco, nekubakuti Wa kati Wa kacicita ciindi cimwi muli Musa, pele

bakali kuciyanda kaindi. Pele Wa kabatumina Mufutuli nkabela tiiba ka Uyanda. Ba kayeeya kuti kwakali...ba kafutulwa. Mwabona? Eyo nje nzila ku mambungano sunu. Kujana eci ciindi ca Krisimasi a lusakatizyo loonse lwa Krisimasi, mimuni ya Santa Claus, mikondo ya bupagani a zintu zyaka lokela mu mambungano obilo aa Katolika a Protestant, a bubi buyo mbuli mbo cikonya kuba. Elyo Leza ula batumina Mufutuli. Inzi? Kujoka ku Ijwi. I Muuya Uusalala, Mesiya wa Leza, Munanike Wakwe, ku nanika mbungano Yakwe a kwijosya ku Ijwi. Sena ueyeeya kuti bala Mu yanda? Peepe, munene. Taba ka Mu tambuli. Bayo mukaka mbuli buyo mbo bacita lyoonse.

¹⁵⁷ Ula tuma Mufutuli, pele ncinzi Nca tuma Mufutuli wa ciindi eco? Yanda kulosya cintucimwi ciniini awa ciyo mugwasya. Kuli bantu bakakanzwa abo bayo Ci tambula. Kwakali cindi Na kasika ciindi citaanzi, kuyooba cindi Aku boola ciindi cabili. Takukwe makani eco mbungano ya nyika nco yeelede kuyeeya kujatikizya ncico, bamwi...Ta Ci tumi mubuyo. Muntuumwi uyo Li tambula. Kuli muntuumwi uyo Li tambula, kwa mana; pele kutali inyika ya tunzenyu na mbungano ya tunzenyu, na kufumbwa mboibede. Pele cindi wakoompolola nkabela Leza ula Li tuma, muntuumwi uyo—uyo Li tambula. Mbo mbubo.

¹⁵⁸ Wa katuma Mufutuli, kutali kuzyula masi. Mbuli mbo tunga twa yeeya sunu, tu yandikana muntu oyo ukonzya kwiima. America iyanda muntu uyo zunda Russia kuli baabo bataka citambula. Russia iyanda muntu uyo zunda boonse banyika a kubatola ku mweezi. Pele Leza ula tutumina luumuno. Leza ula tutuma bulangizi. Ta tu ciyandi. Oh, kwaamba, "Tula—tula konzya kuba a luumuno, masi ayanda luumuno." Nincobeni. Elyo bayeeya kuti inga baba a ncico cindi U.N. yaboola antoomwe. Ee, U.N. ili kulaale kuzwa kuli ncico. I luumuno lwa inyika eyi, luli jisi sunu, luli mbuli cibbaluuni mu luwo, muwo muniini uli onse inga wacitola kuli onse ngo uyanda. Incobeni. Kufumbwa kucinca kuniini kwa tunzenyu ku citonkomeka buyo kuzwa ku lubazu lumwi kuya kuli lumbi. Takonzyi kwaamba mupailo mu U.N. ku kaambo kakuti inga canyonganya zina lya bantu bambi, kulimvwa oko akwalo taku syomi muli Leza. Oko nkusitikila embo na, kulitukumuna buyo kuli konse? Alimwi cintu cimbi, bbaluuni iyo bbotokela ali cili conse, ayalo. Ameni. Elyo eyi inyika ya lutegwa luumuno, ku U.N. a zimwi zimbi, luyo bbotoka. Yaa. Kwiina luumuno muli ceeco. Konzyi kujana luumuno ku kuzwidilila kwa kabambwa aamuntu. Ta ciko pe. Kubwezwa a muuwo onse!

¹⁵⁹ I mbungano iyanda yomwe. Ba yanda...luumuno lwabo lutandila...kuyumbwa a muuwo onse wa njiisyo, ayalo. Zintuzyonse zila fumpa konse, imwi yazyo kwaamba kuti, "Oh, Ndi yeeya kuti koonse nko tweelede kucita..."

¹⁶⁰ Mula yeeya? To konzyi kuyeela kuboola. Leza waka tondezya miyeyeo Yakwe. To jisi nguzu zya kuyeeya. "Amulekele muzeezo

oyo wakali muli Kristo ube muli ndinywe.” Elyo Wa kakanza a kucita luyando lwa Leza. Wa kati, “Ikuti na Nse citi milimo ya Leza, nkokuti muta Ndi syomi.” Mwabona? To jisi kuyeeya kuboola. Ngo Nguwe ucita kuyeeya. Amulekele muzeezo Wakwe ube muli ndinywe, amu yeeye buyo mbubonya, nkabela eelyo ndi Ijwi Lyakwe. Mbobuti mbo myua kuyeeya bwandeene? Wa tondezya miyeeyo Yakwe kuli ndiswe. Pele tu yanda kucita kuyeeya kwesu, “Ndi yeeya kuti beelete kucita ceecei.”

¹⁶¹ Nda kali kweenzya a muuntu uyandwa bwakaindi jilo, nkeya butanta kuyo kombela mwana ucisidwe. Elyo cindi ni twa kasika ku mwana ucisidwe, mukwasyi tii wakali kuyanda kuti katu mukombela, wakali muzeezo buyo wa muntu oyu. Nekubaboo, mu lweendo kutanta mugwagwa, oyu mulindu wakati, mulindu mucembele wakali kutandila myaka ili makumi ali lusele aimwi yakukomena, musongo, mupampu loko, kabotu loko, pele waa kati, “Ndi yeeya kuti eco ceelede kutola busena,” (mwabona, “Nda yeeya”) “kuti mambungano oonse ayelede kuboola antoomwe a kuba bomwe.” Obo mbombubo dyabulosi mbwa yeeya. Pele Leza uyanda kwandaanisigwa kwa Mbungano Yakwe kuzwa ku zintu zya inyika. Ta ciyandi kusangana mu tunzenyu twa mbungano. Mwabona? Elyo ino kuti Leza wakatuma Mesiya ku inyika? Elyo eco... Oyo mulindu wakali kuyeeya buyo miyeeyo ya inyika yoonse. Ino Nduvwaano lwa Mbungano niiンzi pele tuyeeyo nguonya? Ino Kkanso Yanyika iya Mambungano nzi pele ku bukanze mbubonya bwa kuzwidilila muzeezo nguonya? Mbo mbubo na? Ee, mpawo, mulindu, oyo mulindu wakatondezya buyo miyeeyo ya inyika.

¹⁶² Pele njeeyi miyeeyo ya Leza mu Bbaibbele. Ta tujisi nguzu zya kugusya bwandeene kuzwa kuli Ceeco. Eyo miyeeyo ya Leza yatondezegwa kuli ndiswe. Tula bona, jana inyika kiiyabaala, alimwi tu lilila cintucimwi. Atu Ci tambule. Lino, ikuti na catambula a kusola kutu solela kuzwa ku tunzenyu, eco nce cintu nciconya caka tubisya.

¹⁶³ Ndi jisi cintucimwi ciniini ca kwaambila musololi wacisi wa baaba Basimakwebo Banakristo. Ni nkamu mbotu ya bantu, pele ikuti na batalika mu nzila iilubide, bayo unka ku buungu mbuli bamwi babo, kuba kabungwe. Elyo Ndi yanda kuti undi kombele a kukombela mwaalumi oyu. Nde elede kuunka, Ndi jisi cilengaano kuzwa ku Mwami cakwe. Mwabona? Elyo ikuti na tababambi kunyona, ikuti na bazumanana, baboola ku kabunga. Elyo, cindi bacita, Leza ulamanizya a ncico. Mbo mbubo.

¹⁶⁴ Mwabona, bantu taba konzyi kuba antoomwe citakuti basola kujana mizeezo yabo beni. Ako nke kaambo Leza nca bweza bagame. Mwabona? Leza tableki a kuta beleka a kabungwe. Taakwe busena mu makani akale obo Mbwa kasola kucita. Ula beleka a bagame, muntu omwe. Mbo mbubo. Pele tu sola kuswaanganya nkamu ya bantu antoomwe a kwaamba “cili munzila eyi a nzila eyo,” azimwi zimbi. Cintu citaanzi mulizi,

bantu, bapati, basongo abacencezu, aya mabbabbani dyabulosi nga katumina mukati, njila a kwaamba, "Ee, ceelede kuba eci. Nda konzya kucitondezya kuli nduwe." Takukwe makani eco nco konzya kutondezya, ikuti na ciliimpene ku Ijwi eelyo, amu citantamuke. Mbo mbubo. Kubwezwa a muuwo onse wa njiisyo. Ku ufulida kuli konse akufulida kufumbwa ciindi. Bwalo mbwini.

¹⁶⁵ Russia sunu ilangila mesiya uunanikidwe. Ino balangila nzi? Ino kuti Leza naka batumina Mesiya uunanikidwe, Kabelele mbuli Mbwa kacita myaka yakainda ili cuulu amyaanda ili fuka? Ba kali kunga ba Li gusya mbubonya mbuli Heroda mbwa kacita, kusola buboto bwabo ku Li gusya. Ino muzeezo nzi wa Russia iwa mesiya? Ba yanda sayaansi. Ba yanda sayaansi yakananikwa, munasayaansi, sibupampu musalesale ukonzya kuzunda inyika kuli mbabo, abo bakonzya kuba zunda, bamwi banyika kuya ku mweezi, oyo ukonzya kuzunda mwaakwe waanje, oyo ukonzya kubatola kwiindilila nyenyezei. Oyo ngo musyobo wa mesiya Russia ngwa yandaula.

¹⁶⁶ O Leza! Lino amuswiilile, tuli ku ciindi ca Krisimasi alubo. Ino kuti bali cijisi? Mpawo amulange ku cintucimwi ciimpene kuli ceeco. Ino inga bamwi bantu abo Leza mba kalenga kuboola? Mwabona? Mwabona, Leza ulizi eco nco tu yandikana, kutali eco nco tu yanda. Lino amulange ali ceeco. Ino kuti Russia ijisi munanike wabo? Lino, inga tiiba katambula Kabelele. Peepe, peepe, tiiba tambula cili coonse. Peepe, munene, taba ciyandi. Nku koonse kuliko kuli ncico, taba ciyandi buyo. Taba yandi cintu mbuli ceeco. Ba yanda mesiya uunanikidwe. Ee, *mesiya* caamba "umwi uunanikidwe." Aboobo mpawo ikuti na bayanda umwi munanike, pele bayanda munasayaansi uunanikidwe, sibupampu musalesale oyo ukonzya kubweza maatomu a kwapandula, oyo ukonzya kuzunda mwaakwe, oyo wakali kukonzya kubweza Russia ku mweezi a kucebuka a kuliuma mwini aa kaango, a kwaamba, "I bamwi banu banyika mba babwa, bala tu belekela." Nce ncico, nce ncico Russia ncoi yanda. Oh, iifyi, munene. Nywebo mulizi, inyika yoonse ilalila . . .

¹⁶⁷ Germany yaka ompolweda umwi wabo kutali ciindi cilamfu cakainda. Bali jisi yomwe. Amulange eco nco bajisi anjiyo, ayalo. Mwabona? Mula mvwisya, embo na? Ba kajana Hitler. Elyo ncinzi ncoba kabali janina? Lupyopyongano. Eco ncencico aba ba mesiya uunanikidwe ncoba balila ikuti na wakaka Mesiya wa Leza. Ino baka jana nzi? Cindi zilongezyo zya pentekoste nizya kauma Russia, na Germany, ba kakaka Mulumbe. Ba kabaseka a kuba bikka mu ntolongo. Ino bakacita nzi? Ba acikaka Ciingano, alimwi bajisi ciingano cabubili, ca swasitika. To tambuli luse, mpawo taakwe cisyeede pele lubeta. Obo mbwini, mweenzuma. Lino amulange awo mpo babede sunu. Mwabona? Amubone, taba jisi bumembala ku busena buli boonse, mbantu buyo bakamwaikide. Ba kazumina mesiya uulubide. Elyo ikuti na

Russia yajana imwi mbuli eyo, takukwe makani kunji nkoba konzya kuzumina sibupampu wabo musalesale, uyo boola ku cintu nciconya. Ciyo nyonyoona cisi coonse. Mwabona?

¹⁶⁸ India sunu iyanda umwi uunanikidwe. Ba yanda mesiya. Lino amuyeeye, *mesiya* caamba “unanikidwe.” Ba yanda umwi munanike. Ncinzi ncoba yanda? Ba yanda umwi uyo basanina, kubapa cintucimwi cakulya; kuba samika, kakutakwe kubeleka nkambo ka ncico, kweenda buyo koonse akoonse mu tugwagwa a ku cisowela anze kuzwa ku lubazu lumwi kuya kuli lumbi. Mpaawo we. Taba kabeleki, ba yanda buyo kukombeleyza. Aboobo ba yanda musyobo umwi wa muntu uusalala kubuka oyo ukonzya kusika atala lya masamu a kuli zungaanya, cinkwa a nyama a—a zintu, kunselelo, atala ali nzizyo, elyo bala kkala koonse a kulya, a konna buzuba boonse, a kutanta a kuba zisani zibotu maningi, alimwi oyo—oyo ngo musyobo wa mesiya oyo India ngwa yanda.

¹⁶⁹ Russia iyanda sibupampu musalesale wa mesiya wabo uunanikidwe oyu Krisimasi. Nce ncico ncoba yanda kupegwa. India iyanda mesiya oyo uukonzya kubasanina a kubasamika, kakutakwe kubeleka.

¹⁷⁰ America, ncinzi nco yanda? Ino muzeezo nzi wako, America? Wa kali kulilila mesiya. Ndi lizi kuti oyu ula teping’wa. Wa kali kulilila mesiya. Ncinzi nco yanda? Uli jisi eco nco kali kuyanda. Wa kali kuyanda situnzenyu, nkabela uli cijisi. Lino ino uyo citanzi a ncico? Uyo kujaya, obo mbombubo mbo ciyo cita, uyo kutuma ku cuumbwe cako. Wa kali kuyanda, uli jisi kuyandisa kwako. Lino ino uyo citanzi a ncico? Cili mu maanza anu lino, Ahabu a Jezebele basyaasunu. I cintu nciconya nco tobezya okuno ku lwaanguluko, wa likwela lwako kujoka moonya muli ndilyo alubo, pele nce ncico nco kali kuyanda. Mwa kali kuyanda Ricky waka iilululwa masusu, Elvis wa busyaasunu, ngo mujisi. Mwa kali kuyanda basitunzenyi, basongo bakaiya bajisi bupampu busale, mbo mujisi. Mbobuti mbo mucicita? Kwiinda ku bumpelenge, muncina wa tunzenyu kuunjizya, kuvumba ku meso aa bantu babotu. Lino, Nseli muna Demokrati nanka muna Repablikani, Ndili Munakristo. Mwabona? Mwabona? Mabazu obile ali bolede. Pele cindi muntu oyo wakacita akwalo kutondezya miyeeyo a bulangizi bwa Bunakristo ku lubazu lumbi, elyo mpawo wanyona a kubamba mincina (kucita nzi?) kusala sibupampu musalesale oyo ngo kali kuyanda. Mbobuti mbo kacicita? Wa kamubikka aa cipekuupeku, kacimwaikide koonse ku cisi, oh, ma, kusoleka kulangalanga inguzu zyakuyeeya akati ka baleli bobilo mu kusala. Kuba i... Mula sala umwi ngo mwa kayeeya kuti waka jisi boongo bwa bupampu busale, a kuta langa eco cakali kunze lya mbubo.

¹⁷¹ Sa mwabona eco nco jisi mu cibikkilo cako? Uh-huh. Uh-huh. Oh, ngu Krisimasi alubo. Inzya, America yakabweza mesiya wayo, ino uyo citanzi a nguwe? Amu mulangilile eco nca cita

kuli ndinywe. Nywebo amuyeeye buyo, mbuli buyo Hitler mbwa kacita ku Germany. Nywebo amuyeeye buyo, amubikke eco mu mizeezo yanu. Ca teping'wa. Inzya. Mwa cimvwa. Nekubaboobo, kucili kunji kuzwa lubukulusyo olu lwa kaindi cisi, bantu banji balilemeka kabotu bakasiya mizeezo ya Leza muli mbabo, eco inga nocaka bamba cintu a kucijata kwa ciindi cilamfu. Pele wa kali pambula lwako, kwiinda ku mincini yanu, muncini oyo wakali kukonzya kweena mu kuvoota, elyo mitende yanu ini yaka cimwaya koonse ku cisi, nkabela taakwe nco mwakacita kujatikizya ncico ku cilulamika. Pele mwa cimvwa. Oyo ngo musyobo wa mesiya ngo bakali kuyanda, aboobo Ndi yeeyela kuti ndiza bali ku kulyookezya, ba jisi sibupampu musalesale, musongo, masimpe, simaanu, uyiide kapati.

¹⁷² Elyo mulizi kabotu a kabotu i—i lwiiyo lwa Mwami wanu, kuti bantu babi ba buzuba, elyo buzuba abumwi, lyoonse bakali bantu basongo. Sena tamuzi kuti bakali bantu ba Kaini abo baba bana sayaansi a basibupampu basalesale, kuciindi bantu ba Leza nibakali beembeli a bamwi bambi, kulaale kuselemukila ku lunyonyooko? Elyo bakali balimi babombe baansi abamwi bambi baka futulwa mu bwaato, nkabela sibupampu musalesale waka nyonyoonwa. Sena tamuzi kuti Jesu wakati, "I bana ba buzuba buno, nyika eyi, balo—baloo—baloo mbasongo loko a basimaanu loko kwiinda bana ba Bwami"? Nkaambonzi? Balo tubelele, ba yandikana musololi. Elyo basola kusala musololi wabo kwiinda ku bupampu, basongo mbo bacita; pele babombe basala musololi wabo, uuli Muuya Uusalala. Eco ncencico ncobeni mbungano ncoya cita, babbabbani batubungwe mbungano ncoya kasala; kuciindi, Mubili wini wa Kristo wakasala Muuya Uusalala a Ijwi Lyakwe. Ciya ali ceeco nco lekela ku kusololela. Ii kabelele keelede kusololelwa, alimwi awo mpo tweede kucita.

¹⁷³ Lino bali jisi mesiya wabo, sikuyiisya wabo uunanikidwe, musongo, mucenjezu. Oh, ma! Kwakanyina muleli wakasola kwiima musongo mbuli muntu oyo. Baa, uyo ima mpoonya a kubikka i...Sa, Ndi yeeya kuti sunu na sunumasiku, na ciindicimwi buzuba butobelna obilo, Nda kakumvwa mu kapepele kakuboola buzuba bumwi, kuti, amu mubuzye mubuzyo uli onse ngo muyanda. Masimpe, buyo i—i muncina wabusongo, obo America mboya kasyoma mo, lino atu bone awo mpo muyo njila a ncico. Uh-huh.

¹⁷⁴ Yebo wakaka, America, yebo wakaka Mulumbe wa Kristo, wa kakaka Muuya Uusalala oyo waka simpikizigwa kumbele lyako, akwalo moonya mu mayake ako eni aa milao, oko nguzu zya Kristo nkozya kalitondezya Mwini, abo bakaziba miyeeyo ya muntu, Wa kali kukonzya kuponya baciswa aku bbutukizya masena amaseseke amyoyo, a kucita mbubonya eco Leza nca kaamba kuti ciyo citika mu mazuba aakumamanino, nkabela mula Ci kaka. Taka londedwe kapati. Wa kazyalilwa mu cilido

cabanyama. Cakali kununka, ku cisi. Elyo, amuyeeye, tunzenyu twanu a busimbungano zilanunka kumbele lya Leza, anywebo. Leza ula yandisya bweema bununkilila-kabotu bwa bubombe. I mbungano tai yandi ceeco, bubombe bwalweeno. Leza uyanda bubombe loko. Nce ncico Nca yanda. Lino ba jisi mubbabbani wabo uyiide.

¹⁷⁵ I mbungano, iyanda mesiya. Ee, ino iyanda nzi? Uyanda sibupampu musalesale, ciyanza cakabungwe, umwi uunankidwe ku–ku balekela kubaleta mu kasena. Andi liibe mu ciindi cangu, kutegewa mube masimpe camvugwa okuno aku masena akule. I mbungano sunu iyanda sibupampu musalesale oyo ujisi zintuzyonse zyakabambwa loko cakuti bala konzya kupona mu inyika, banakazi inga bagela masusu abo, kupertu masyu abo, baalumi inga bakwata ziindi zyone na zyosanwe nkabela kaba cili madaikona, oh, bala konzya kucita kufumbwa cintu nco bayanda kucita alimwi kaba cijisi kulyaambilila kwabo mbuli kuba “Munakristo.” Muyo cijana!

¹⁷⁶ To yandi Mesiya wa Leza, Ijwi lya kananikwa, Ijwi lya yubululwa, Ijwi kalilileta kunembo Lini. To yandi ceeco. Leza waka Ci tuma kuli nduwe. Pele mbungano tai yandi Ceeco. Ba yanda kayanza kabu kabuzumini alimwi bayanda sibupampu musalesale ukonzya kubamba tunsiyansiya awo zintuzyonse mpo zi kotamina. Uyo cijana, uh-huh, cili mu lweendo lwaco. Mu jisi bana banji kuli ncico, pele kuyooba civuna cipati ciyo buka bumwi bwa mazuba aya, i Farao oyo utazi Josefa. Elyo nce ncico nco kali kuyanda, nce ncico mbungano... Ula konzya kubona nzila njionya njo bacita, iyi, munene, nzila njionya.

¹⁷⁷ Ciybunuzyo 17 ila cipandulula antangalala, ca sikuvuula mukulukulu a bana bakwe basimbi. Mbombubo. Elyo coonse ciyo jokela ku muunzi kuli baama, alimwi cili mu lweendo lwaco ndyoonya lino kubamba mbungano yomwe ya boonse munyika. Muyo jana mbubonya buyo, tubungwe, eco nco muyanda. Amu ndimvwe! Ciyo citika mpawo! Elyo inga Nda indilila ku ciindi eco. Pele abo bata kazumini eco cindi Mimuni yaku mangolezya yatalika kuwa a kuzwa, ba langa koonse, bala bona kuti bala sungilizigwa mu cintucimwi kwiinda ku kabungwe kabo, alimwi kabungwe kabo ka kabweza ku kuvuna masyu abo. Kwalo, boonse bayo cicita. Pele bantu abo bata yandi ciyanza eco, abo bakazumina ciyanza ca Leza, Muuya Uusalala a Ijwi, ba lati, “Oyo muntu weelede kuti wakali luleme.” Inga ciindi kacimanide kale mpawo.

¹⁷⁸ Tula bona bana Episcopalia, ba Presbyteria, ba Baptisti, zintuzyonse kaziboola muli Basimakwebo ba Makanimabotu Azwide, zintuzyonse kusola kuyandaula Muuya Uusalala. Sena bantu taba mvwisyi kuti eelyo nde oora ndilyonya Sibwiinga nakasika, cindi nakalindu woona nakasola kusika a kuula mafuta? Nce cindi Jesu nakati Sibwiinga wakasika a kunjila, nkabela tiiba kanjila. Ino ndi penzi nzi ku baalumi aba?

Koongolola kuli ceeco, cindi Bbaibbele ly a tondenza kuti tiiba kanjila? Elyo kuciindi nibakali kusola kucita ceecei, Sibwiinga wakasika, nkabela baka sowelwa mu mudima waanze. Cakali cinzi? Kwayanda bakali jisi misyobo yonse ya kulimvwa, misyobo yonse ya bupange, misyobo yoonse ya—ya kunyanyamukwa oko inga kwaboneka mbuli bumboni bwa ncico, pele Mbungano ya namatikwa mukati nkabela Waa kaunka. Uh-huh. Eco inga caba cisinsime.

¹⁷⁹ Ba yanda cintucimwi, ba yanda cintucimwi nzila mbo bakonzya kupona kufumbwa nzila njo bayanda. Balo, eco ncencicco mbungano ya nyika ncoi yandaula. Muntuumwi oyo—oyo ngo bakonzya kuunka ku mbungano mpati maningi mu dolopo oko basimpwu boonse ba dolopo nkoba zulilwa. Bala konzya kuba a ngazi yabukata maningi mu buyake. Bala konzya kuba a organi mbotu kwiinda. Bala konzya kuba a i—i zyuuno. Bala konzya kuba a mukutausi oyo utaambi ijwi kuli mbabo kujatikizya nzila mbo bapona, ikuti na bayanda kuzyana, ba yanda kusama musyobo umwi wa kutondezya, ba yanda kusama zigonkolole, ba yanda kugela masusu abo, na bayanda kucita zintu ezi, bala konzya kufweba misanga yatombwe, na kucita buyo kunywa kwabuleya. Oko nkubeleka mu mambungano. Kunywa buyo kwa busyaasunu, kuyiisyia buyo bana banu kunywa, pele kutali kunji loko, kutali kwiindilizya a nkuko. Busi, pele kutali—kutali kwiindilizya. Kosama kufumbwa cintu nco yanda, pele buyo—buyo kolibamba mbuli bweelede mbuli mbo zyi na inga wacita. Mwabona? Oh, oko kuupaupa! Oyo dyabulosi uunankidwe! Eco cintu citegwa kabungwe! Eco cintu citegwa bukombi! Nca dyabulosi. Kujokela kuli Kristo a Ijwi Lyakwe! “Kolivuna lwako kuzwa ku nzyalani eyi iibisya.” Amusanduke, umwi aumwi wanu, ciindi kacitana mana kweempwa, alimwi inga caba eco kufumbwa ciindi.

¹⁸⁰ Cindi twa bona nakalindu woona kacita nzila nja cita, kuboneka kuti ceelede kuyoosya bantu kuzwa ku kuyeyya kwabo. Pele mucibaka ca ceeco, balo, “Oh, bulemu, sa eci tacili cibotuloko! Aleluya!” Oh, ma! Ino inga bantu basika buti? Uh-huh. Ino musyobo nzi wa ciimo ngo bakonzya kunjila a mizeezo yabo ya tunzenyu, a myyeeyo wabo wabusyaasunu, kutaziba buyo Ijwi ly a Leza kwiinda muna hottentot mbwacita kujatikizya busiku bwa muna Egepita. Yaa! Buyo i—i muzeezo wabukombi bwa ncico, na cintu cimwi calwiyo lwa kulilemeka kwa mizeezo eco caka tondezegwa kuli mbabo mu nzila ya kayanza kabuzumini na musyobo umwi wa cintu, nkabela Pentekoste ncibyaabi kuli ncico. Mundi jatile bwaambe obo. Ii bunji bwa cintu eci ca bakambausi banakazi azimwi zimbi, miyanda ya bwizu kuli ncico. Yaa! Elyo nceeco we. Kuzyana, cizyano cakuliyuumba buniini, lwiiyo, oyo ngo musyobo wa ii—ii mbungano eyo inyika njo iyanda. Oyo ngo musyobo wa Mesiya ngo bayanda, umwi uukonzya kuba kamantanya antoomwe. Uyo

bweza omwe. Uh-huh. I muuya wa ncico ula beleka kale akati ka bana ba bantu. Mbo mbubo. Kaba caamba Bunakristo, bayo bujana.

¹⁸¹ Leza waka batumina, katuma ku i...swebo mukati 1963, ikuti na Leza uyo tutumina mukati 1963, bunanike mbubonya obo Mbwa kacita kaindi okuya ku matalikilo, inga twa bukaka mbuli mbo bakacita kaindi. Nkaambo, ikuti na oyo umwi uunanikidwe, mesiya, wakasika ku mbungano, inga uyooba mbubonya mbuli Bbaibbele mbolya kaamba kuti Mbwa kabede. Bahebrayo 13:8, Lya kati, "Jesu Kristo ngu mbobuca nguwenya, sunu, amuya myaaka." Mpawo ikuti na twa kombela mesiya, umwi uunanikidwe, inzi, sa tu yanda situnzenyu wabukombi? [Mbunga yaamba, "Peepe."—Mul.] Sena tu yanda sibupampu musalesale wampi? ["Peepe."] Sena tu yanda munasayaansi uyiide? ["Peepe."] Elyo tuyanda Kabelele. ["Ameni."] Yanda Kabelele uyo kujosya, taakwe bulemu kuli lwabo, pele kujoka ku Ijwi. Kujoka! Umwi uyo mwaambila Bwini kakutakwe kulanganya mbo bubede, mwabona, amukkale ncobeni a mbubo, ku bubikka mu mundando. Taba bu yandi. Ikuti na Wa sika sunu inga Wa ba mbuli Mbwa kabede kaindi, inga Wa kkala ncobeni a Ijwi lya Taata. Inga uyooba masimpe kuti Ijwi lyoonse eelyo lyaka syomezegwa mu Bbaibbele lyaka tondezegwa ku bana ba muntu. Obo mbombubo.

¹⁸² Jesu wakati, "Nguni ukonzya ku Ndi tondezya kubaa cibi? Nguni ukonzya ku Ndi tamikizya cibi, kutasyoma? Ikuti na zintuzyonse Taata nzya takaamba kuti inga Nda cita, ikuti na Nse kazicita mpawo amu Nda ambile awo Mpe ka ciimpya." Ameni. "Amu Nda ambile awo Mpe bulide." Ameni. Nywebo mulizi, cibi nkutasyoma. Mbo mbubo. Tu lizi obo. "Nguni ukonzya ku Ndi tondezya awo Mpe tana zulizya," Wa kati, "lyoonse Ijwi Taata ndya kaamba kuti Ndiyo cita? Nguni ukonzya kubikka munwe wabo ali Ndime a kwaamba kuti Nse kacicita? Nguni umwi wanu?" Mpawo nkaambonzi tiiba kaleya sole Lyakwe? Nkaambo caka sinsimwa kuti bayo cita ceeco. Pele inga Wa bamba Ijwi lya Taata mbubonya buyo mbuli Mbwa kacita busena butaanzi. Inga wabamba ceeco mbubonya buyo, nkaambo Ta kakonzya kucinca, nkaambo Leza ndi Ijwi. Nkambo obo mbombubo ncobeni Mbwa bede, Walo ndi Ijwi. Elyo Walo ndi Ijwi nzi? Walo Muuya Uusalala oyo uubweza Ijwi lya Leza a ku Li tondezya. Obo mbombubo Jesu Kristo... Cindi Leza Muuya, Taata, wakaba mu mubili wabantu akati kesu mu ciimo ca Mwana Wakwe, Wa kabweza Ijwi lya Leza a ku Li tondezya, ka Li tondezya ku bantu, nkabela tii bakali kuyanda musyobo oyo. Ba kajisi tunsiyansiya twabo beni, ba kajisi tubungwe twabo beni, alimwi eco caka liimpene ku kabungwe kabo koonse, aboobo tii baka Ci tambula.

¹⁸³ Elyo inga caba cintu nciconya sunu. Ikuti na Mesiya uyo boola, Uyo bweza zintu ezyo Leza nzya kasyomezya awa, a baaba

mu Bbaibbele, a kuba tondezya kumbele lya bana ba bantu, nkabela kabungwe koonse kayo Mu kaka. Taba Ci yandi. Taba jisi cintu cakucita a Ncico. Pele eco—eco ncencico Leza ncanga wabatuma. Ikuti na Wa kabatuma cili conse, inga caba ceeco. Elyo mpawo niba kakupa mulandu nkabela niba kaleta kuzulwa kuli lwabo, aa mukowa oyu wa bantu, mbuli buyo ba Juda mbo bakacita mu buzuba obo, abamwi babo. Iiyi, munene. Nywebo mulizi eco Nca yoocita ikuti na Mesiya uyo njila 1963, mulizi eco Nca yoocita? Wa kali kunga wamwaya tubungwe toonse nto tujisi. Wa kali kunga wasamununa cintu eco aansi.

¹⁸⁴ Ee, inga bati, “Ino inga Wa zyuka nzi, Mwiiyi *Niini-a-niini* na Mwiiyi *Niini-a-niini*? ”

¹⁸⁵ Inga wati, “Muli bauso wanu dyabulosi, a milimo yakwe njo mucita.” Mbubonya obo Mbwa kali kuyoamba. Ta kakonzya kuba lwana munzila ili yoonse. Ta kacita ku matalikilo, alimwi Ngu mbobuca asunu mbuli Mbwa kabede kaindi. Kufumbwa cintu caka liimpene ku Ijwi, inga Wa ciita booboo. Inga wati, “Muli bauso wanu dyabulosi, a milimo yakwe njo mucita. Mucita zintu ziimpene ku Ijwi Lyakwe.” Mbo mbubo. Elyo citondezyo ca Mesiya ciyo Mu tobela. Mbo mbubo. Amu Mu leke aime kuli mbabo a kwaamba, “Sa tii Nda zulizya eco eci cakacitika? Nguni wanu ukonzya ku Ndipa mulandu wa kutasyoma?” Mwabona?

¹⁸⁶ Pele bakali kunga basola kubamba kunyonauna kuzwa kuli Nguwe, ku Mu tola koonse kuzwa ku busena kuyaku busena mbuli obo Mufarisi mbwa kacita. Ka Mu leta kunselelo okuya kupa kusangabalisyka kumwi, ku kujana cikama cipati ca baswayi konse, uyo tondezya kuti Ta kali Musinsimi. Nywebo mulizi kaano Nke yiisya ali ceeco. Mwabona, inga bacita cintu nciconya sunu kuli ceeco ncakali kukonzya kuba antoomwe ku kuleta kulisangabalisyka kwabo, inga bacita cintu nciconya. Elyo inga Uyo unka. Aleluya! Inga waunka, nkambo lyoonse Ula unka oko Nkwa tambidwe. Cindi Na kaziba eco mu Farisi ncakali kuyo cita. Wa kalizi kuti mu Farisi taka jisi mulimo kuli Nguwe. Wa kalizi kuti kuli kutamikizya kwa mu moyo kubusena bumwi. Balo ba Farisi tii baka jisi cintu cakucita a Nguwe, baka Mu sulaika. Elyo oyu Simooni mudaala wakali ku Mu yanda kuselemukila okuya kutegwa Ka konzya kuleta bbunga kuzunguluka busena bwakwe. Pele Wa kali cizi. Wa keenda mukati. Sena wa kabikkila maanu maningi kuli Nguwe? Ba kali bantu balemekwa mbakali kubikkila maanu. Wa kakkala kusule a matende ataambide. Inga caba cintu nciconya sunu. Taba yandi Kristo. Taba yandi nzila ya Leza, nywebo mwabona.

¹⁸⁷ Inzya, Jesu wakali kunga wati, “Muli bauso wanu dyabulosi.” Elyo bantu abo bakabamba milao eyo a zintu a zintuzyonse mu kabungwe kabo a buzumini bwabukombi, buyo mbo kweelede, bayo sanzya mipika. Elyo Jesu wakati, “Mwa kabweza tunsiyansya twanu a kubamba Ijwi lya Leza kubula nguzu, kwiinda ku tunsiyansya twanu.” Elyo ba Hebrayo 9:12

ilaamba abusena awo, Nda syoma, peepe, ngu ba Hebrayo 12... peepe, 9:12, Nda syoma nje njiyo, amwi moonya omuya, wa kaamba ceeco "Cindi twa salazigwa a kulekelelwa, tula salazigwa kuzwa ku milimo ya kunyama." Elyo cindi twa jatilwa ncobeni ku zibi zyesu kwiiinda ku Bulowa bwa Jesu Kristo, i Muuya Uusalala uboola muli ndiswe alimwi tuli fwide ku milimo yakunyama. Oh, nywebo no mbungano ya Pentekoste, nkaambonzi neco mwakacita bulubizi buli boob? Nywebo noboofu basololela boofu! Sena tamuzi kuti mwazwa mu myaka eyo ili makumi osanwe yakainda, a kudulowa eyi nkamu ya bantu kujokela moonya muli njiyo? Sa tamu konzyi kumvwa Ijwi lya Mwami? Mafuwa mayumu, ino ndipenzi nzi kuli ndinywe? Tamu katambuli eco cakatuminwa ndinywe. Inga noba takaciti mpawo, taba kaciti lino.

¹⁸⁸ Lino, ncinzi ncozi? Alubo, aboobo alubo mabambe akwe a mabambe aa inyika ya kabungwe a kayanza kabuzumini, ali mukuyabaala. Mabambe aa Muntu ali mukuyabaala. Leza taka tupa kayanza kabuzumini. Ta katupa kabungwe. Ndi yanda muntuumwi kundi tondezya mu Bbaibbele awo Mpa kacita. Nda konzya kumu tondezya awo Mpa kamwaambila kuta cicita. Kondi tondezya awo Mpa kaamba kucicita. Yebo wati, "Mpawo, Mukwesu Branham, ncinzi Jesu nca kapa muntu?" Ii Bwami. Aleluya! Elyo Walo Mwaami, Mwaami wa basalali, Mwami wa bami. Wa ka tutuula Bwami. Kutali situnzenyu, ciyanza cakabungwe; pele Bwami. Wa kati ku... Pilato, Pilato wakati, "Sena Uli Mwaami waba Juda?"

¹⁸⁹ Wa kati, "Wa caamba." Wa kati, "Ikuti na Bwami Bwangu bwakali bwa inyika eyi, bantu Bangu niba ka Ndi lwanina, pele Bwami Bwangu mbwa Kujulu."

¹⁹⁰ Elyo nkaambonzi neco tweede kujatilila ku zintu ezi zya inyika kakuli tuli bana ba Bwami buli Kujulu? Mwabona? Kuli cintucimwi cilubide kubusena bumwi. Pele tii twa kapegwa ciyanza. Tee twa ka pegwa i kabunga, tee twa kapegwa i—i bweendelezi bwa tunzenyu mu nyika, pele twa kapegwa Bwami bwa lubombo, mbuli Buumi bwa Kabelele buli muli ndiswe. Kutali kwa inyika, to cili wa inyika. "Nobana baniini, tamuli ba inyika. Nda komba, Taata, kuti mbuli Mbwe tali wa inyika, kutegwa bata kabi ba inyika." Mwabona? Nce ncico Jesu ncaka tu kombela. Elyo nekubaboobo twa nyona ncobeni a kulibikka lwesu mu zibelesyo zyakukwabana zyanyika omuya kuli misyobo yoonse ya bantu nkoba njizigwa. Lino, nywebo mulizi takukwe mbungano mu inyika pele izwide basikuupaupa. Elyo Jesu wakati, "Utali sungi omwini akati ka batasyomi."

¹⁹¹ Aboobo nkaambonzi jokwe ku kabunga kakuli Bwami bwa Leza bwatuulwa kuli nduwe kuti wazyalwa muli mbubo? Elyo kwiina sikuupaupa muli ncico! Boonse bana balombe a basimbi ba Leza, banjoloma, abo basyoma Ijwi Lyakwe kuzwa ku Matalikilo kusika ku Ciyubunuzyo a kukkala a Ndilyo. Elyo

buumi bwako bulu citondezya, alimwi Leza ula simpikizya Ijwi Lyakwe kuli ncico. Oyo ngu Mesiya. Oyo Mukaintu wa Mesiya. Elyo Leza uli kkede mu ciyanza eco bamayi, beembeli, basinsimi, abamwi bambi, kubamba obo Bumesiya Bwakwe butonkomene mukati omuya, kutali kusangana a tuyanza twabuzumini twatubungwe, pele insaku cintu eco a kubamba Mbungano kuti isalala, busalala kuli Kristo a Ijwi Lyakwe.

¹⁹² Muyeyea kuti mbungano iyo tambula ceeco? Bayo Ci tanda. Muta yandi cintu cakucita a Ncico. Bali jisi ciyanza cabu cini ca tunzenyu. Elyo mbuli United States mboi jisi sibupampu musalesale, mbubonya mbungano mboiya kujana sibupampu musalesale. Ciyo cijana, amu langilile buyo. Cili mu lweendo lwaco ndyoonya lino. Ba kali nyonganya beni muli ncico.

¹⁹³ Pele tuli jisi Bwami, alimwi mu Bwami obu buli jisi Buumi Butamani. Kutali bumembala, pele Buumi Butamani. Elyo weendelezegwa a Mwaami Uutamani. Ii Bwami Butamani buzwide Buumi Butamani, bweendelezegwa aa Mwaami Uutamani, ku bantu Batamani abo bakakanza kuzwa ku malengelo aa inyika. “Nkambo abo Mba kabwenekale, Wa kabaita; a baabo Mba kaita, Wa kabalulamika; a baabo Mba kalulamika, Wa kabapa bulemu,” Bahebrayo 11. Mbo mbubo.

¹⁹⁴ Lino, ciya ali ceeco nco yandaula. Ikuti na nduwe Abrahamu, uyandaula Bwami obo. Nda konzya kucitondezya kuli nduwe cifumo cino. Iiyi, munene. Lino, Bwami Butamani buzwide Buumi Butamani, bweendelezegwa aa Mwaami Uutamani kwiinda ku Ijwi Lyakwe Litamani, ku bantu Batamani bakakanza. Nceeco we. Nkaambonzi? Mbo cakabede lyoonse, lyoonse ciyooba, taakwe naka jisi matalikilo na mamanino. Mu muzeezo wa Leza cakali kuli nciconya... cindi nicakali a Leza Cabutamani. Elyo bukanze bwa Leza buyo citwa.

¹⁹⁵ Aboobo, eyi inyika ili mukuyabaala. Ai yabaale buyo, kuli kabotu, iya kucicita nekuba. Ino Mika wa kaamba nzi awa, ino Mika wa kaamba nzi awa? I malundu ayo nyebuluka, ayo kolomoka mbuli bunzuka akutilwa atala mbuli ii–ii kufaamuka kwa caanda ceenda, na musyobo umwi wa magiza, mubwini. Uyo enzemuka a kuwa, pele Jehova unooliko kwalyoonse. “Zyoonse zinyama mbwizu, kuyoya kwa Leza uunga ali mbubo naa malubaluba, bwizu, mbuli bubotu, bulu yuma; pele Ijwi lya Leza wesu lilaima kwalyonse,” Isaya 40 wakali kusinsima kuboola kwa Mesiya, wakaamba boobo. Toonse tuyanza twesu twa buzumini, tuyanza twatubungwe, basikuyiisya, sibupampu musalesale, a zintuzyonse zimbi, ziyo nyonyooka, pele Ijwi lya Leza liyo syaala kwalyonse. “Atala aa mwaala oyu Mpe nzoyakila Mbungano Yangu, milyango ya gehena taikonzyi Kwi izunda.”

¹⁹⁶ Tuli ku ciindi ca Krisimasi. Nse zyi kuti twali kutola ciindi eci ca buzuba akwalo. Nda sweeka buyo cindi Nda

yeeya kubula kwa oora. Ndiyo bindaana. Inzya. Elyo twa kazyalwa mu Bwami obu a kukonzya...swebo—swebo to Banakristo abo basyoma a bali mu Bwami obu. Lino, omuya mu Bbuku lya—lya ba Hebrayo, twa bala kaindi kainda, "Nkambo tu tambula Bwami." Kutali kutambula kayanza kabuzumini, kutali kutambula ciyanza. "Tu tambula Bwami obo butakonzyi kuzunganisigwa." I inyika ili mukuyabaala. Obo mbwini. Alimwi situnzenyu onse, a kabungwe konse a mbungano yonse iya kumwaika, pele tu tambula Bwami obo butakonzyi kuzunganisigwa. "Nkambo ikuti na abo baka Mu kaka Oyo wakaamba kuzwa ku Cilundu ca Sinai, nkabela nyika yaka zungaana kunsi lya Jwi Lyakwe, nkunji buti kubona kuti to kaki" (nguni?) "Walo, Ijwi Lyakwe eelyo likanana kuzwa ku Julu, kuzwa ku Bwami Bwakwe, nkambo tuli mu Bwami obo bu takonzyi kuzunganisigwa." Ameni. Zintuzyonse zili anze zya ceeco... Leza wakatuma zintuzyonse, Wa kazibamba kuuba kutegwa ka zityokauka. Mu ciimo cazyo cabuuba mbuli obo, zyeede kutyokauka. Nzyalo zyuubauba. Pele, amuyeeeye kuti tu jisi Bwami obo butonkomene lino, cindi zintuzyonse zimbi zyawa a kupa nzila. Ta cigambyi Eddie Perronet wakati, "Ali Kristo Mwaala muyumu Nda imikila, masena onse ambi muse uubbila." Ii Bwami! Kutali ciyanza ca situnzenyu, kutali ciyanza ca tunzenyu, kutali ciyanza ca mbungano, kutali ciyanza cakabungwe; coonse caba Farisi a bamadokotela ba dyabulosi. Pele tu tambula Bwami, Mwaami Uutamani Uuli ndi Ijwi Litamani, Oyo ujisi Buumi Butamani; kwinda ku Ijwi Lyakwe Litamani ku bantu Bakwe Batamani abo bajisi Buumi Butamani, alimwi tuli basizyaabilo ba ceeci. Oh, ma! Eco nce cintu.

¹⁹⁷ Lino, kufumbwa cintu ciku kwelela kuzwa kuli Eco cili lubide, oyo ngu mesiya mubeji, bunanike bwa bubeji. Oh, wa kati, "I mukwesu waka jisi bunanike buli boobo!" Ino musyobo nzi wa bunanike? Nce ncico. Hitler waka jisi bunanike, awalo. Khrushchev uli jisi bomwe, awalo. Pope Poasi uli jisi bomwe, awalo. Ino musyobo nzi wa bunanike ngo jisi? Ikuti na ta cinanikidwe a Ijwi eli a kusimpikizya Ijwi lyoonse kuba Bwini, ko cisiya cilikke. Cilubide. Ikuti na tii yazyala ini, nkokuti tii yakamena. Iyo tondezya mubala wayo. Oh, kwaamba, "Pele Eco cakali ca bukkalo bumbi. Tu..." Kusiya cintu eco cilikke. Jesu Kristo ngu mbobuca nguwenya, sunu, amuya myaaka. Iiyi, munene.

¹⁹⁸ Aboobo cindi eyi inyika ya mwaika, twa kazyalilwa mu Bwami obo butakonzyi kwaandaana. Mula syoma kuti inyika ili mukuyabaala? Ziyanza zyayo zili mukuyabaala. Sena mula syoma obo? Sena mula syoma i—i bubambe bwamakwebo buli mukuyabaala? I ciyanza ca tunzenyu cili mukuyabaala. Ca cisi, ciyanza ca U.N. cili mukuyabaala. I mbungano ili mukuyabaala. I tubungwe tuli mukuyabaala. Zintuzyonse zili mukuyabaala.

Pele tu jisi Bwami obo butakonzyi kuzunganisigwa, bwalo Mbwami Butamani bwa Leza, tabu konzyi kuzunganisigwa.

¹⁹⁹ Twa kaambilwa kuti ciyanza cipyca ca kabungwe aka, ca kuleta eci awa Kkanso Yanyika iya Mambungano onse, iyo leta luumuno ku nyika. Ino ii—ino nkusampula, ino ii—ii ndi tombe linunka mu meso aa Kristo! Ino neintu citalemeki, kusanka cintu cisetekene eco mbocibede! Nca dyabulosi. Ii muntu ulakonzya kupanga cintucimwi cibotu kwiinda Leza mbwa konzya kubatuma? I ngazi ya Babelo! Ngu Babuloni uumbi oyo weeleda kuwa. Luumuno aa nyika? Ii mesiya mubeji! Sikulwanakristo mu kuyiisya kwakwe. Mbobuti mboya kuwaala tubungwe otu antoomwe kakuli taba kakonzyi akwalo... Taba konzyi akwalo kuzuminana umwi aumwi lino cindi niba kamwaika mu ziyanza ziniini mbuli ezyo, ino kujatikizya koonse kusangana a kusika okuya? Iiyi. Mwabona, mbubambe bwa bubeji. Koonse kwacitwa kunjizya buna Protestant mu buna Roma. I bubeji, kuyiisya kwa kristo.

²⁰⁰ Bwami bwa Leza tabuli bwa inyika eyi. Jesu wakaamba boobo. “Bwami Bwangu tabuli bwa inyika eyi.”

²⁰¹ Aboobo ikuti obo bwami bwaka bunganisigwa mu inyika eyi, ngu mesiya mubeji, oyu mesiya uyo tuulwa mbungano ya Protestant cakufwambaana loko, kuti bayo bweza, nkaambo bala cilangila. Ba yandaula ciyanza eci cikonzya kubamba kuti, “Ee, lino, swebo tobana Methodisti a Baptisti, masimpe, tu—tu baanga twa zuminana antoomwe, nywebo mulizi. Swebo—swebo toba Presbyteria, swebo toba Pentekoste, oh, ino ndwandaano nzi lwabo, mukwesu?” Ndoolo lwandaano! Leza umubamba bwandeene. “Pele, ee, tu tuula buyo eci.” Elyo kuyiisya kwanu kupati kwa buvangeli, amu kuzileke. Mbobuti mboya kunjila omuya a cikama ca bantu abo bata syomi cintu cili coonse, bamwi babo batasyomi mukuba leza? Elyo mesiya mubeji mboobo mbo cibede. Mbo mbubo. Iiyi, munene.

²⁰² Lino, Bwami bwa Leza tabuli bwa inyika eyi. Elyo cindi Kristo nakali waano, Wa katupa bubambe bwa Bwami obu. Wa katupa bubambe bwa Bwami bwa Leza, Bwami bwa Taata, buli ndi Ijwi Lyakwe. Lino, ikuti na tuyanda kuziba nzila mbo munjila mu Bwami obo, eli Ijwi lili cijisi. Ikuti na wanjila ku mulyango umbi uli oonse... We elede kuboola ku mulyango nguonya bamwi babo baka njila mukati. Ikuti na wasola kubamba cilebyo cimwi cimbi, baa, uli mbubonya mbuli mubbii a robbi. Elyo Wa kati, “Kufumbwa muntu uyo yungizya ijwi lyomwe kuli Eli, na kugwisya Ijwi lyomwe kuzwa kuli Ndilyo, nguonya uyo gusigwa (cibeela cakwe) kuzwa mu Bbuku lya Buumi.” Aboobo ikuti na utaminina kuti waka jisi zina lyako mu Bbuku lya Buumi, ikuti na wakacita, uta li gusyi.

²⁰³ Cindi, Petro aa Buzuba bwa Pentekoste naka jula mulyango ku Bwami. Wa kacita. I Bwami bwaka bikkwa buyo ku

Jerusalema. Ndi yanda muntu umwi ku ndaambila kuti Mbungano yakatalikila ku Rome. Ndi yanda muntuumwi kutondezya ceeco kuli ndime. I Mbungano tii yaka talikila ku Rome, Mbungano yaka talikila mu Jerusalema. I Bwami bwakayakwa aa Buzuba bwa Pentekoste. Elyo cindi bantu nibakali kuyanda kuziba nzila ya kunjila mu Bwami obu, Petro wakati, "Amusanduke, umwi aumwi wanu, a kubapatizingwa mu Zina lya Jesu Kristo kuti mujatilwe zibi zyanu, nkabela moyo tambula cipego ca Muuya Uusalala." Nkaambo eco nce cibabikka mu Bwami. Kufumbwa mulao umbi, kwinda mu kabungwe na kusukana maanza, na kufumbwa cintu cimbi, ngu mesiya mubeji. Takukwe makani obo mboli ampuwo, a obo mboya kuba mupati, alimwi inga waba daikona, akwalo mweembeli na bbishopu, na mwaalu na mulinguzi wa cisi, takukwe makani obo mbobede, nca bubeji kusikila wajokela ku Kabelele ka Leza mubombe a Bwami Bwakwe.

²⁰⁴ Lino amulangilile. Elyo Wa katupa bubambe, Ijwi lya Taata. Elyo musyomi wini ula jatilila kuli Ncico, nkaambo ta konzyi kucicinca, bwalo Mbwami bwa Leza muli nguwe. Elyo mboli Abrahamu, ula ita cintu cili coonse ciimpene ku Ijwi lya Leza mboli kuti tii cakaliko. Elyo ikuti na umwi wa kwaambila kuti kabungwe nka Leza, kokkala obo mboli Abrahamu. Ikuti na umwi wa kwaambila kuti weeledе kusansailwa, na musyobo umwi wa cintucimwi ciniini, ciyanza na cintucimwi ciimpene ku Ijwi lya Leza, muta cisyomi. Amu cibambe mboli kuti tii cakaliko. Ikuti na baamba, "Ee, lino, oyandwa, ta cicisi kuli nduwe kucita *ceeci*." Mutu cisyomi, cindi Leza... Kati, "Ta cicisa ku banakazi kugela masusu abo," cindi Ijwi lya Leza lyaamba kuti ncisesemyo kuli Nguwe, ku cicita. Cindi waamba, "Baa, Ndi sama tulukwe. Nse sami zibbudula." Leza wakati mwanakazi uyosama cikobela ca mwaalumi, ncisesemyo kuli Nguwe. I Bbaibblele lyakati cili lubide ku mwanakazi kugela masusu akwe, akwalo ta cilangilwi kuli nguwe kukomba abumwi bumbi mboli boobo. Akwalo a mutwe wakwe kauta vumbidwe, ula ubausya mutwe wakwe wini. Leza ula cikasya! Elyo ciyanza eco cimwaambila kuti cili kabotu kucicita, muta cisyomi. Walo munanike mubeji. Ngu kristo mubeji. Ci lwana Ijwi lya Leza. I balulami bala jatilila ku Ijwi lya Leza nkaambo Alo mabambe aa ciyanza ca Leza Citamani.

²⁰⁵ Cindi Leza nakabamba mwaalumi, Wa kamubamba nzila yomwe. Kapanga mwanakazi, Wa kamubamba nzila imbi... kamubamba nzila imbi. Kuli zipangano zyobilo zyandeene, mabambe obilo aindene, obilo aindene akati kabo. Alimwi eteeba kali kukozyanya. Ta beeledе kukozyanya, ta beeledе kukonzya kulilemeka, ba liindene kumaninina. Elyo banakazi basola kuba mboli baalumi, a baalumi bakompeme loko mboli banakazi. Nda kabona mulombe ijilo, mu Cincinnati, kaboneka mboli Muka. Kennedy, masusu ayo, nzila mbo cakali

kubusena mbuli booboo. Leza uyanda mwaalumi kulibonya mbuli mwaalumi! Uyanda mwanakazi kuboneka mbuli mwanakazi!

²⁰⁶ Nda mwaambila, eci ciyanza ca Jezebele ca dyabulosi cili jisi inyika yoonse mu kubola, kutali busena bubotu muli ncico. Zyoonse zilonda ziasama, zilonda zya kkulenge, malinginansi wa dyabulosi oyo ulya njionya mbaakani kuzwa i—kuzwa ku ziyanza nzyo bakapanga awa. Saatani ndi kkubi lilya ku bwami bwakwe mwini. Ngu dyabulosi, ngu simaambwi, ngu i—i taata wa bubeji. Walo ulya nyama ya bantu bakwe beni. I dyabulosi!

²⁰⁷ Kristo ngo Mwaami wa mwaami a Mwami wa mwami, Mesiya uunanikidwe. I musyomi ngu jisi ku Ijwi eelyo. Leza a Ijwi Lyakwe Mbamwi. Mebo a ijwi lyangu muli bomwe. Yebo a ijwi lyako muli bomwe. Mpawo uta yaamini, kubelesya miyeeyo yako ini; kobelesya tuyeeeyo Wakwe, mpawo uli cibeela ca Leza nkaambo Ijwi Lyakwe nkabela wakaba mbubonya. Mwabona? Mpawo uli mu Bwami.

²⁰⁸ Abrahamu wakaita cili conse cakaimpene ku cisymezyo ca Leza mbuli kuti tii cakaliko. Iiyi, wa...mbuli ziyanza zya kabambwa aamuntu sunu, inga wacita cintu nciconya. Mpawo mukuba mu bwami buli booboo...Ndiyo jala, Ndiyo siya buyo bulempo obu bumwi a kujala. Amulange, cili... Mukuba mu Bwami buli booboo, ncinzi cicitika? Lino, koonse oku kubwekelwa, pele mu lulemeko a mu bulemu a mu kusinizya, mbuli ku kutumwa oko kwakapegwaa kuli ndime kwiinda ku Ijwi lya Leza, eelyo lyakapegwaa kuli ndime kwiinda ku Muuya Uusalala, ku kulangilila butanga obo Mbwa kandi bikka, mukuba usyomeka kuli mbubo, kukkanala a mbubo kakutakwe kulanganya eco ciboola, kucizungaanya buyo kululyo a kulumwesi a kukkanala mpoonya awa a Ijwi eli. Oyu wakatumwa. Mpawo ikuti na twa tambula Bwami...

²⁰⁹ “Mukwesu Branham, boonse aba bantu bambi baamba kuti, ‘Ino uzulilwa ku kabungwe nzi?’”

Kwaamba, “Taakwe.”

“Uli nzi?”

“Nkaambo tuli mu Bwami.”

“Ee, nkokuli nkoyo swaangana muli ceeci? Nkokuli nkoya?”

²¹⁰ “Tula kkala mu masena Aakujuju muli Kristo Jesu, kasumpulidwe mu Busyu bwa Mwaami wesu.” I Bwami! Bulemu! Lino Nda katalika kulimvwa cabukombi. I Bwami bwa Leza oko nkoba swaangana antoomwe, Muuya Uusalala ula basumpwidwa moonya mu Busyu bwa Mwaami, elyo twa kkala antoomwe mu masena Aakujuju cindi twa bapatizigwa muli Kristo Jesu. Oko nko tuzulilwa.

²¹¹ Mukaintu wakati kuli ndime mbuli mbo twa kaunka ku musika, Nda kamwaambila, mainza aindaa, twa kajana mulindu omwe waka samide dresi. Cakali cintu cakali kuboneka

kweenzu loko. Waa kali kulibonya bweenzu. Mwabona? Waa kati, "Nkaambonzi cili obo? Tu lizi banakazi aba. Bamwi babo balaimba mu makkwaya koonse kuno."

²¹² Oh, mweenzuma! Ndiyo amba ceeci, nekubakuti cili muku teping'wa, inga akwalo ca caamba mu nzila ili yoonse. Nywebo mulizi, alimwi Nda amba eci mu lulemeko a bulemu. Ko jatilila buyo kuli eci. Mwa kabona zyuulu taimuzi zyuulu zya kaboola ku cibumbili, elyo mwabona kuti ciindi coonse kaciboola kutala okuya kakutakwe kukakilwa komwe. Elyo Mukwesu Arganbright awa ulizi cibeela ca inyika motwa kabede, kuzunguluka masi ambi, taakwe ciindi comwe nocaka kakilwa pele eco ca kwaamba Bwini. Cindi Nda unka ku masena aya a kubona makkwaya aya aasamide masani aasamide zikobela, abo banakazi a baalumi kabaimvwi alya kaba samide ma Gologota kuyabuya, a kubamvwa kwiimba mbuli zilenge zya baangelo; a Muuya wa kutweluka kulanga ansi alya, ikuti—ikuti ni Ndali jisi cifumo cino ca kuunka kusomona bosanwe kuzwa mu inyika yoonse, abo bata kajisi mulandu wa busofwi, Ta ndizi awo Mpe konzya kubajana. Ako nke kaambo, pele obo Mbwini, Leza uli cizyi. Janza lyangu lili waano mu Bbaibbele. Mbo mbubo, Ta ndizi awo Mpe konzya kubajana. Mwabona, ikuti na Leza wakati, "Koya kajane bosanwe abo mbozi." Inga ndaamba, "Ta ndizi oko Nkwego unka." Oh, ma! Ciyanza cili boobo! Busofwi buli booboo!

²¹³ Eco ncencico nyika ncoi yanda. Eco ncencico nco yakali kuyanda kaindi, eco ncencico nco iyanda eno. Eco nce ncico ncociya kujana eno. Muntu kaimvwi alya, kwiinaka kubusena bumwi antomwe mukaintu wa simukobonyina. Kunywa, kufweba, a kasamide cikobela cisale, ku civumba. Amuyeeye, alimwi Leza ulabona kwinda mu tuvu eelyo lya mukuyu. Oyo Eva kaimvwi alya a mulandu uukubwene a busofwi mu moyo wakwe, awalo, ikuti na wakasanduka meenda, inga waimpa bwaato. Elyo kwiimikila alya a talenta eyo ku bulenge njá katambula, ku kwiimba, a kujatilila jwi lyakwe mane wakali kusiya ku busyu, kutandila, kusola kwiimba mbuli angelo na cintucimwi cimbi mbuli eco, elyo kunsi lya cikobela, cisapi, cisofwi, catombe. Elyo inga waima ku cikambaukilo a ku caamba, nkabela uyo nongomeka milomo, kaipentedwe, kuzwa mu buyake, kwaamba, "Ta ndeelede kumvwa zintu zili boobo." Pele uyo kwiila buzubabumwi ku luse, mu gehena. Ciindi cino manide mpawo. Ko Ci tambula kuciindi nojisi coolwe ca ku Ci tambula. Elyo yebo! Oh, ma!

²¹⁴ Pele Mbungano yatambula Bwami kuti cindi twa kkala mu masena Aakujuju alimwi uli sumpwidwe mu Busyu bwa Leza, kakkede mu masena Aakujuju muli Kristo Jesu, mukuziba ceeci, a kaanzambwene ka lusyomo, kuti tuli mu Busyu bwa Mwaami wesu uunanikidwe. Oh! Ku leelede kuba Julu lipya kuyutuka, a nyika mpya, alimwi eyo ita kabeleki alubo kufumbwa kuti

Butamani bwakkala. Tu langila Majulu a nyika eyo mpya. Oyu umwi, inga waba a coonse caco nco yanda. Nkambo mebo, Ndi yanda Oyo umwi.

²¹⁵ Ciya awo mpo bikka kulimvwa kwakuyanda. Ciyaamina ku cikunguzyo nko wangidwe. Na waanga ku cikunguzyo ca kabungwe, unoya buselemuka ancico. Ikuti na waanga ku cintu cili coonse ca nyika eyi, tunzenyu tuli toonse a zintu mbuli ezyo, a kusyoma muli eco, uyo bbila a ncico.

²¹⁶ Pele bulangizi bwangu buyakidwe biyo aa Bulowa bwa Jesu ku bululami. Alimwi konse ku muuya wangu wapa nzila, a mukutausi onse wandi kakaka, a kayanza konse kabuzumini kandi tanda, alimwi Nse jisi busena bomwe bwa kuunka, Walo mbulangizi bwangu a kukkanla koonse. Atala aa Mwaala oyo, ali Kristo oyo Mwaala muyumu Nda imikila, masena onse ambi ngo muse uubbila. Buzubabumwi ndiza Njo zikkilwa mu namaumbwe kubusena bumwi, kunsi lya lwizi, mu ntenda ya ndeke, kujaigwa mu citima na mootokala, kufumbwa nko cinga caba kuti Leza wandisalila kuunka, pele eci cintu comwe, Ndi lizi eci, kuti Nda simpa buntu bwangu mu Mayubilo aa Kulyookezya kutala, mu Ijwi Lyakwe. Nda cisyoma, kuti eli lyeelede kuba Ijwi lya Leza.

²¹⁷ Leza weelede kubeteka inyika kwiinda ku cintucimwi. Ikuti na Wa beteka kwiinda ku mbungano, njiili imwi ya njiyo Njayo betesy? Baa, kwiina cintu cili boobo mbuli cikonzya kubetekwa. Mpawo kuli Cintu comwe luzutu cisyeede, Ijwi Lyakwe, Ndyu Butamani, Tali konzyi kuyungizigwa na kugusigwa.

²¹⁸ Nda simpa buntu bwangu okuya, a buubauba bwa kubikka maanza angu aa Cituuzyo cangu, kulyaambilila kuti Nse gwasyi pe. Takukwe cintu muli ndime, O Mwami Leza. Tuma oyo Mesiya ali ndime a kucinca buntu bwangu kuli obo Mbwe kabede, a kundi bamba mu bupange Bwako Omwini, nzila Njo nga wayanda kuti ndibe.

²¹⁹ Takukwe makani kunji nko konzya kuumpa mibili, kunji nko konzya kunyonyoona muntu, kunji nko konzya kwaambaula kulwana mbabo, na kufumbwa ncaamba, buzubabumwi Uyo tubusya alubo. Elyo kuli Bwami obo mbo tutambula obo butakonzyi kuzunganisigwa. Oh, ma!

²²⁰ Elyo, amuyeeeye, kwa cintu eci coonse cabulemu nco tubotelwa eno, kukkanla mu masena Aakujuju, ni ntalisyo buyo. Aleluya! Ni ntalisyo kuli ceeco ciboola. Oko nkuzibya buyo kwa lwiimbo lwa bugwaligwali olo luboola. Oh! Aleluya! Amwaambaule zya koongolola oku a kulumbaizya a kulemya, kulemeke Kabelele! Buzuba bumwi cindi Baangelo nibaima kuzunguluka nyika, mubalo wa nyika, a mitwe kiikoteme, a kumvwa nkamu eyo niini yaka sanzigwa ku Bulowa kaiimba nyimbo zya lununuko zya Bulowa bwa Jesu Kristo, O Leza, Ndi yanda kuyo swaanganisigwa a mbabo. Andi bweze busena

bwangu a Nguwe eno. Andi bambe kaanzambwene kangu, Jesu ngu wangu, Ndiyo Mu bweza a Ijwi Lyakwe. Iiyi.

²²¹ Kujala, Ndi yanda kwaamba kaano aka kaniini ka Krisimasi, kutegwa bana bakamvwe. Elyo ikuti na Nda mulebya kwiinda ku kukkala kwa ciindi cilamfu... I mulindu muniini ijilo... Mukwesu Brown wakakambauka kujatikizya oora, nkambauko mboto loko, oyo muntu uunanikidwe. Waa kati, "Wa kabajata buyo kwa ciindi cilamfu." Paulo waka kambauka busiku boonse. Ba kakkala alya mane bakafwa ng'onzi loko, alimwi antela kukkala maora a maora, elyo mulombwana umwi wakawa a kulijaya mwini. Elyo Paulo wakali vungulula buyo mwini kuli nguwe, kati, "Uta pengi." Koswiilila buyo ku cintu ciluleme.

²²² Kwakali sikubambilula mabbusu wakale, elyo Nda syoma bwakali mu Germany oko nkwa—nkwa kali kunga wasumba mabbusu abo. Elyo buzuba bumwi kuciindi... Mu ciindi cakwe cakuvunwa wa kali kubweza Bbaibbele, nkabela wa kali ku Li bala. Inga wabala ciyo a cibalo ca Lugwalo, nkabela wasinizya kapati. Wa kati, "Yebo ulizi," wa kati, "Ndi—Ndi... cindi oyu Krisimasi wanyona, Nse yasyi cisamu lya Krisimasi." Pele wa kati, "Uli zyi cintu na?" Wa kati, "Ndiyo jana ii—ii cisusulo cipati, alimwi Ndiyo jika cangu... kuyoka nyama yangu yakabelele akwiinka kubweza ma cranbberi angu, a onse musinza wangu wamadeede azintu." Elyo wa kalikke luzutu. Elyo wa kati, "Ndiyo ibikka aa tafule nkabela Ndiyo tamba Jesu kuboola kukkanala ku tafule kuzwa kuli ndime. Ndi yanda kuziba Mesiya wa Leza a ceeco Nce konzya kucita mu kulemeka." Wa kati, "Ndiyo—Ndiyo cita coonse eci. Elyo mpawo Ndiyo kkala ansi ku tafule nkabela Ndiyo lomba cilongezyo, alimwi Ndiyo lomba Leza kuli ceeco Nca ndipa. Elyo mpawo Ndiyo amba kuti, 'Mwami Jesu, sa inga Toboola a kukkanala aansi oonse awa, ku cisusulo buyo ca Krisimasi a ndime?'"

²²³ I buubauba, Leza lyoonse ulamvwa obo, kusinizya. Elyo sikubambilula babbusu mudaala wakayobola mali akwe kuti akaue cisusulo cili boobo, nywebo mulizi, alimwi naka tambwa ku Mwaami wa bami. Elyo wa kacibikka ansi, nkabela wa kacijikidwe, elyo wa kacibikka aa tafule. Elyo wa kalisalazyu mwini kuba kabotu loko, a—a kulibamba kabotu mwini, a kusakula masusu akwe. Elyo wa kakkala aa tafule, a kubikka cuuno ca Jesu, a zyuuno zimwi zimbi kazikkede koonse. "Inga caba ca baapostolo," wa kati, "ikuti na bayo njila."

²²⁴ Aboobo mulombwana mudaala waka kotamika mutwe wakwe elyo wa kabuzya cilongezyo, a—a kulumbaizya Leza kuli cakulya. Elyo wa kati, "Lino, Jesu, sa To ko boola a kulya andime ku cisusulo eci ca Krisimasi?" Elyo wa katalika kulya a kulangilila cuuno. Taakwe muntu wakaboola. Wa kalya aniimi ambi, elyo wa kati, "Mwami Leza, Nda Ku tamba ku muunzi wangu. Sa Toko boola a kuba a ndime?" Elyo wa katalika

kutambikizya a kubweza cintucimwi cakulya, nkabela umwi waka konkomona ku mulyango.

²²⁵ Elyo wa kaunka ku mulyango. Wa kali mudaala, kadiimene mu makuko, kagalankene. Wa kati, “Sibuuya munene, Nda tontwedwa, sa inga wandi lekela kukasaala?”

²²⁶ Elyo wa kati, “Ko njila.” Elyo wa kanjila nkabela wa kanunkizya kununkilila oko kwa cakulya, mulomo wakwe waka baanga watilwa meenda, wa kanyona. Kati, “Sa inga wakkala?” Kati, “Ndi langila nkamu, pele sa inga wakkala a kulya buyo a ndime mane nkamu isike?”

²²⁷ Wa kati, “Nda lumba. Inga nda botelwa.” Elyo wa kakkala acuuno, nkabela bakalya cisusulo. I mudaala waka mulumba, waka nyamuka a kuunka.

²²⁸ Elyo i—i sikubambulula mabbusu wa kanyona, wa kati, “Mwami Leza, nkaambonzi Wa ndityompya?” Kati, “Nda bamba zintu zyoonse mu nzila zyoonse. Nda cita koonse oko nko Nda zyi nzila ya kucita.” Wa lombwa kucita ceeco ncobeni! “Nda kacita koonse oko nko Ndi zyi kucita, a kuyeeya kuti Uyo njila a kulya a ndime.” Elyo wa kalila, a kuzuza a kuwida aa bulo. Elyo wa kali lede awo aa bulo, kalila. “Nda—Nda—Nda kacita zintuzyonse Nze kayeeya kuti zyali luleme, Mwami, elyo nkaambonzi To boola ku kulya a ndime?”

²²⁹ Elyo Jwi lya kaboola kuli nguwe, nkabela wa kayeeya Lugwalo, “Muciimo mbuli mbo mucitila baniini aba bana Bangu, mwa cicitila Ndime.”

²³⁰ Iiyi, Irenaeus...Mundi jatile, wakali Musalali Martin. Buzuba bumwi butontola kakutanaba Krisimasi, mukumbizi mucete wakaindi kalede mu kagwagwa, kafwa mpeyo. Bantu abo bakali kweelela kukonzya kwiinda, elyo kalanga buyo ku mukumbizi mudaala. “Ee, taakwe cintu kuli nguwe, walo mukumbizi buyo. Amu muleke akkale awo.” Elyo Martin wakaima a kulangilila a kubona ikuti na bamwi bantu abo bakali kukonzya kucicita cakali kunga camugwasya, pele ta kacicita.

²³¹ Kumalekelo, Martin mwini takali...wa—wa kasyoma Leza, pele wa kali muntu simpi. Wa kajisi buyo bbaki lyomwe. Wa kati, “Ikuti na mudaala wabikkwa boobo, uyo tontola calufu.” Aboobo wa kabweza cceba lyakwe a kupenda bbaki lyakwe cisela muli zyobilo, kainka okuya a kuvumba mukumbizi mudaala muli ncico, a kuti, “Koone mu luumuno, mukwesu wangu.” Kazumanana kweenda mukati.

²³² Elyo busiku obo mu mabbaraki, nakamana kumwesya majombo akwe a kulala, wa koona. Elyo coongo caka musinsimuna. Wa kalanga, kaimvwi kumbele lyakwe, elyo mpaawo kwa kaimvwi Jesu kalivumbide mu kabeela ako kakaindi ika bbaki ndya kavumba mukumbizi.

²³³ Ino inga Nda cita nzi mu makani aya mpawo? Ino Nde elede kucita nzi a zintu ezi nze Ndi zyi kuti zili luleme, zintu ezi zyaka simpikizigwa a kutondezegwa kuti zili luleme? Ino inga Nda cita nzi? Kuvumba Mbungano, kutali mu kansiyansiya na kabungwe, pele mu Bulowa bwa Jesu Kristo kwiinda ku Ijwi Lyakwe. Aboobo Jesu wakati, “Eco nco kacita kuli baaba, wa kacicita kuli Ndime.”

Atu kombe.

²³⁴ Mwami Jesu, ikuti na Wali imvwi awa cifumo cino, Mwami... Ndi lizi kuti Uli booboo, mu ciimo cakumuuya. Pele ikuti na Wali imvwi awa, mubwini, Nse syomi kuti inga Nda cinca cibalo cangu asyoonto. Nda syoma inga Nda amba buyo cintu nciconya. Elyo Nda syoma, Taata Wakujulu, kuti bantu aba bakacita kakutakwe cakulya cabu cakunyama, kuti baka kkala awa a kuswiilila ku jwi likatede loko, pele ikuti na Wa liimvwi awa, niba taka kkala limbi, nkaambo bala syoma kuti Uli waano, nkaambo ndi Ijwi Lyako. Ci tondezya kuti bala Ku yanda.

²³⁵ Tuli lumbide kapati ku kuswaya oku kwa Krisimasi kwa Muuya Uusalala oyo utulalila akutu tondezya kuti Krisimasi niinzi. Cindi twa bona kuti inyika ili mukuyabaala, ziyanza zyayo zili mukumwaika. Pele tuli kkomene loko, tuli lumbide loko kuti tu jisi Bwami alimwi tu jisi Mwaami, alimwi Ta bukonzyi kuzunganisigwa. Elyo cindi kwatano cili inyika, cindi kwatano cili tunzenyu, cindi kwatano ciliko masi, Leza uyo yaka Bwami Bwakwe nkabela balulami bayo lela a Nguwe. Abo balo bakapenga taba kapengi limbi.

²³⁶ Kotu gwasya, Mwami, ku ciindi eci ca Krisimasi, kuyeeya eco Mesiya uunanikidwe ncaamba. Kotu gwasya kumvwisyta.

²³⁷ Longezya eyi, mbunga yesu. Koba a mbabo, Taata wesu, a kubapa bululami a luumuno mu Muuya Uusalala. Longezya mweembeli wesu. Mwami, tula tuyanda. Oyu mulanda sicamba wiimvwi buyo cakusyomeka. Elyo, nkekana busiku bumwi, kati, “Mpaawa Mpendi, kutandila makumi ali cisambomwe.” Ba jisi bana baniini loko. Pele amuyeeye, akube kuti ayeeye eci, Mwami, kuti taakwe cintu cikonzya kumu gusya kuzwa awa kusikila Wali bambila. Ikuti na Kotana kuboola, Nda lomba kuti akapone kubona boonse bana bakwe kukwata akuba miinzi yabo beni. Longezya mukaintu wakwe muniini tuyandisi, mubelesi musimbi Wako. Longezya madaikona besu a basyomesi besu.

²³⁸ Elyo, Leza, Ndili lumbide kuli Krisimasi eyi nkambo ka boonse aba, beenzuma bangu beenda kwiinda mu caanda, a kuboola mu migwagwa a mvula, a kubweza baumi abo a kuboola myaanda a myaanda ya mamaile. Leza, Ta ndizi eco cakwaamba limbi. Ndi syoma kuti Uyo yubununa cimwi caco, eco cili mu moyo wangu. Elyo akube kuti lyoonse Ndibe uusyomeka, Leza, ku Bwami obu omo Mo katubikka. Akube kuti Ndi tali mvwanyi, peepe, kululyo na kulumwesi. Nda yeeya kabotu cindi

Wa kandaambila mpawo, "Uta kapusyi janza lya lulyo na janza lya lumwensi, mpawo nzila zyako ziyo zwidilila. Mpawo uyooba a kuzwidilila kubotu." Ndiza kutali mu meso aa inyika. Elyo Nse kwe ndaba eco inyika ncoi yeeya, Ndi yanda kuziba eco Nco yanda, Mwami. Kuyandisya kwako nku kwesu... Luyando lwako nkuyandisya kwesu. Oh, kuniini kwa kuyandisya Kwako kuli i—i mulao waangidwe ku buumi kuli ndiswe, Mwami. Tula imikila mbuli Mbungano Yako.

²³⁹ Kotu jatila lino kuli ceeco cakacitika kwiinda mu mwaka, kuti twa kacita cilubide alimwi awo mpo twa kakilwa mu masena manji loko, a ku tuyumya, Mwami. Elyo akube kuti swebo, ku ciindi eci ca kusekelela kwa Krisimasi, akube kuti tu jule myoyo yesu kuli Mesiya, munanike wa Leza. Akube kuti Aboole mu maumi esu a kutunanika, a kupona luyando Lwakwe a kuleta Bwami Bwakwe kucitika mu maumi esu. Kotubamba kuba kabotu, nseba mbotu.

²⁴⁰ Longezya oyu mweenzuma wangu wakaindi sicamba ukkede awa ku lubazu lwangu, Mukwesu Arganbright. O Leza, obo Mbo kali a nguwe, a nzila mbwa kajisi busena bwa moyo wakwe a kupwaika ziindi zinji loko, pele nekubabobo tu syoma kuti wa kamena ku Buumi Butamani. Longezya mukaintu wakwe muniini. Ndi yeeya Bud a Fred, mebo, O Leza, obo mbo tujisi luswaanano olu lubotu.

²⁴¹ Twa komba kuti Uyo tulongezya antoomwe lino. Longezya mbungano yesu niini, boonse aba bantu bayandisi. Elyo buzubabumwi, Mwami, kuciindi notu... yanda meso esu kuti asalala loko kuzwa ku zintu zya inyika kuti tu konzya buyo kubona Leza a Bwami Bwakwe, kuti buzubabumwi tuyu tuulwa kumbele lya Kristo, kakutakwe kampenda, mbuli nakalindu usalala, cibela ca Mbungano eyo mpati iciza kumbele Lyakwe.

²⁴² Elyo mpawo tuyu langila kumbele ku ciindi awo Mpoya kuyaka Bwami Bwako aa nyika, bantu balibonya a maanda alibonya, nkabela taba kabyali aumbi kulya kuli njyo, pele bayo pona Cabutamani. Kusikila eelyo, atube mumuni oyo uukkede aa cilundu, nkendulo ipa mumuni ku zintuzyonse zitu zungulukide, kwiinda ku buumi bululeme, kasalazigwa kwiinda mu Bulowa bwa Kristo. Ko cipa, Taata. Mu Zina lya Jesu twa komba.

²⁴³ Elyo, Mwami, aa tutambala otu, twamana kukombela balwazi nkabela twa kabikka maanza esu ali ntuto, kuli swaanganya lwesu a mbabo, Nda bikka maanza angu aa tutambala otu, kuswaanganya mupailo wangu kuli Leza. Elyo a tutambala otu a bantu, Leza, Nda komba kuti Uyo ponya umwi aumwi wa bantu aba baimininwa ku tutambala otu. Akube kuti babe anseba a nsana kwiinda mu mwaka uboola, Taata. Ku lulemeko a bulemu bwa Leza, twa lomba, mu Zina lya Jesu. Ameni.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²⁴⁴ Lino kuciindi notu yiimba alubo, atu sukane maanza a
 muntuumwi kuzunguluka ndiswe. Kokkede buyo, kwaamba:

Nda Mu yanda, Nda Mu yanda
 A kuula lufutuko lwangu . . .

Mukwesu Arganbright, eci ngu . . . ? . . .

Lino a maanza esu mujulu kuli Nguwe.

Nda Mu yanda,
 Kumvwika loko lino.

Nda Mu yanda (Eyo nje nzila.)
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²⁴⁵ Elyo lino a ijwi eli, antoomwe, toonse swebo tula caamba: Tu
 tambula Bwami obo butakonzyi kuzunganisigwa. Amen!

²⁴⁶ Lino atwi imikile. Lino, amutambike maanza esu a myoyo
 yesu kuli Leza, a kulumba lino, nconzyo, myoyo yesu yoonse,
 “Nda Mu yanda!” Elyo kocitondezya buyo kuli Nguwe ciindi eci
 ca Krisimasi.

Nda Mu yanda, Nda Mu yanda
 Nkaambo . . .
 A kuula lufutuko lwangu
 Aa cisamu ca Kalivari.

²⁴⁷ Ii mulimo wa lubbizyo mpoonya biyo lino uno tobela oyu.
 Elyo nywebo nomweelede kuunka, tuli lumbide kuti mwakali
 kokuno, alimwi akube kuti mwakasola kusyaala mu Bwami
 obo bu takonzyi kuzunganisigwa. Kuciindi notu kotamika
 mitwe yesu asyoonto buyo ku mupailo, Ndiyo lomba Mukwesu
 wesu muyandisi Arganbright ikuti na uyo boola atala awa a
 kumwaisya bbunga eli mu ijwi lya mupailo.



I KUYABAALA KWA BWEENDE BWA INYIKA TNG62-1216
(The Falling Apart Of The World)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono kuseeni, Nalupale 16, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org